



斐手昭宗略曰先王作樂崇德以極神人通天下之志和節群生之欲放天子之於士庶未也去其樂而無非微之心以及周也哀微呂失其序亂代先以忿怒亡國性之以哀思優雜子女蕩目淫心光庭廣奏則以魚龍靡慢為瑋璋會同鄉食觀則以吳趨楚舞為妖奸織羅霧縠殺侈不衣疎金鉞至砥其器在上

宋書卷十九

志第九

樂一

西漢書卷十九  
氏書志第九

易曰先王作樂崇德殷薦之上帝以配祖考自黃帝至于三代名稱不同周衰凋缺又為鄭衛所亂魏文侯雖好古然猶昏睡於古樂於是淫聲熾而雅音廢矣及秦焚典籍樂經用亡漢興樂家有制氏但能記其鏗鏘鼓舞而不能言其義周存六代之樂至秦唯餘韶武而已始皇改周舞曰五行漢高祖改韶舞曰文始以示不相襲也又造武德舞舞人悉執干戚以象天下樂已行武以除亂也故高祖廟奏武德文始五行之舞周又有房中之樂秦改曰壽人其聲楚聲也漢高好之孝惠改曰安世高祖又作昭容樂禮容樂昭容生於武德禮容生於文始五行也漢初又有嘉至樂叔孫

班賜寵群臣  
風而靡王侯將  
相歌伎填室鴻  
商官買舞女相  
羣競相夸者  
有爭奪以爲不  
及莫爲禁令傷  
風敗俗莫不在  
此

通因秦樂人制宗廟迎神之樂也文帝又自造四時舞以明天下  
之安和蓋樂先王之樂者明有法也樂已所自作者明有制也孝  
景采武德舞作昭德舞薦之太宗之廟孝宣采昭德舞爲盛德舞  
薦之世宗之廟漢諸帝奏文始四時五行之舞焉武帝時河間獻  
王與毛生等共采周官及諸子言樂事者以著樂記獻八佾之舞  
與制氏不相殊其內史中丞王定傳之以授常山王禹禹成帝時  
爲謁者數言其義獻記二十四卷劉向校書得二十三篇然竟不  
用也至明帝初東平憲王蒼總定公卿之議曰宗廟宜各奏樂不  
應相襲所以明功德也承文始五行武德爲大武之舞又制舞哥  
一章薦之光武之廟漢末大亂衆樂淪缺魏武平荊州獲杜夔善  
八音常爲漢雅樂郎尤悉樂事於是以為軍謀祭酒使初定雅樂  
時又有鄧靜尹商善調雅樂哥師尹胡能哥宗廟郊祀之曲舞師

馮肅服養曉知先代諸舞夔悉總領之遠考經籍近采故事魏復  
先代古樂自夔始也而左延年等妙善鄭聲惟夔好古存正焉文  
帝黃初二年改漢巴渝舞曰昭武舞改宗廟安世樂曰正世樂嘉  
至樂曰迎靈樂武德樂曰武頌樂昭容樂曰昭業樂雲翹舞曰鳳  
翔舞育命舞曰靈應舞武德舞曰武頌舞文始舞曰大韶舞五行  
舞曰大武舞其衆哥詩多卽前代之舊唯魏國初建使王粲改作  
登哥及安世巴渝詩而已明帝太和初詔曰禮樂之作所以類物  
表庸而不忘其本者也凡音樂以舞爲主自黃帝雲門以下至于  
周大武皆太廟舞名也然則其所司之官皆曰太樂所以總領諸  
物不可以一物名武皇帝廟樂未稱其議定廟樂及舞舞者所執  
綴兆之制聲哥之詩務令詳備樂官自如改爲太樂太樂漢舊名  
後漢依讖改太子樂官至是改復舊於是公卿奏曰臣聞德盛而

化隆者則樂舞足以象其形容音聲足以發其奇詠故薦之郊廟而鬼神享其和用之朝廷則君臣樂其度使四海之內徧知至德之盛而光輝日新者禮樂之謂也故先王殷薦上帝以配祖考蓋當其時而制之矣周之末世上去唐虞幾二千年韶箎南籥武象之樂風聲遺烈皆可得而論也由斯言之禮樂之事弗可以已今太祖武皇帝樂宜曰武始之樂武神武也武又跡也言神武之始又王跡所起也高祖文皇帝樂宜曰咸熙之舞咸皆也熙興也言應受命之運天下由之皆興也至於羣臣述德論功建定烈祖之稱而未制樂舞非所以昭德紀功夫哥以詠德舞以象事於文文武爲斌兼秉文武聖德所以章明也臣等謹制樂舞名章斌之舞昔簫韶九奏親於虞帝之庭武象大武亦振於文武之乍特以顯其德教著其成功天下被服其光輝習詠其風聲者也自漢高祖

文帝各逮其時而爲武德四時之舞上考前代制作之宜以當今成業之美播揚弘烈莫盛於章斌焉樂志曰鐘磬干戚所以祭先王之廟又所以獻酬酌酢也在宗廟之中君臣莫不致敬族長之中長幼無不從和故仲尼答賓牟賈之問曰周道四達禮樂交通傳云魯有禘樂賓祭用之此皆祭禮大亨通用盛樂之明文也今有事于天地宗廟則此三舞宜並以爲薦享及臨朝大亨亦宜舞之然後乃合古制事神訓民之道關於萬世其義益明又臣等思惟三舞宜有總名可名大鈞之樂鈞平也言大魏三世同功以至隆平也於名爲美於義爲當尚書奏宜如所上帝初不許制章斌之樂三請乃許之於是尚書又奏祀圓丘以下武始舞者平冕黑介幘玄衣裳白領袖絳領袖中衣絳合幅袴絳袜黑韋鞮咸熙舞者冠委貌其餘服如前章斌舞者與武始咸熙舞者同服奏於朝

庭則武始舞者武冠赤介幘生絳袍單衣絳領袖皂領袖中衣虎  
文畫合幅袴白布袂黑韋鞮咸熙舞者進賢冠黑介幘生黃袍單  
衣白合幅袴其餘服如前奏可史臣案武始咸熙二舞冠制不同  
而云章斌與武始咸熙同服不知服何冠也侍中繆襲又奏安世  
哥本漢時哥名今詩哥非往詩之文則宜變改案周禮注云安世  
樂猶周房中之樂也是以徃昔議者以房中哥后妃之德所以風  
天下正夫婦宜改安世之名曰正始之樂自魏國初建故侍中王  
粲所作登哥安世詩專以思詠神靈及說神靈鑒享之意襲後又  
依哥省讀漢安世哥詠亦說高張四縣神來燕享嘉薦令儀永受  
厥福無有二南后妃風化天下之言今思惟往者謂房中爲后妃  
之哥者恐失其意方祭祀娛神登堂哥先祖功德下堂哥詠燕享  
無事哥后妃之化也自宜依其事以名其樂哥改安世哥曰享神

哥奏可案文帝已改安世爲正始而襲至是又改安世爲享神未  
詳其義王粲所造安世詩今亡襲又奏曰文昭皇后廟置四縣之  
樂當銘顯其均奏次第依太祖廟之名號曰昭廟之具樂尚書奏  
曰禮婦人繼夫之爵同牢配食者樂不異文昭皇后今雖別廟至  
於宮縣樂器音均宜如襲議奏可散騎常侍王肅議曰王者各以  
其禮制事天地今說者據周官單文爲經國大體懼其局而不知  
弘也漢武帝東巡封禪還祠太一于甘泉祭后土于汾陰皆盡用  
其樂言盡用者爲盡用宮縣之樂也天地之性貴質者蓋謂其器  
之不文爾不謂庶物當復減之也禮天子宮縣舞八佾今祀圓丘  
方澤宜以天子制設宮縣之樂八佾之舞衛臻繆襲左延年等咸  
同肅議奏可肅又議曰說者以爲周家祀天唯舞雲門祭地唯舞  
咸池宗廟唯舞大武似失其義矣周禮賓客皆作備樂左傳王子

積享五大夫樂及徧武六代之樂也然則一會之日具作六代樂矣天地宗廟事之大者賓客燕會比之爲細王制曰庶羞不踰牲燕衣不踰祭服可以燕樂而踰天地宗廟之樂乎周官以六律六呂五聲八音六舞大合樂以致鬼神以和邦國以諧萬民以安賓客以說遠人夫六律六呂五聲八音皆一時而作之至於六舞獨分擘而周之所以不慊人心也又周官鞀師掌教鞀樂祭祀則帥其屬而舞之大享亦如之鞀東夷之樂也又鞀韞氏掌四夷之樂與其聲哥祭祀則次而哥之燕亦如之四夷之樂乃入宗廟先代之典獨不得用大享及燕日如之者明古今夷夏之樂皆王之於宗廟而後播及其餘也夫作先王樂者貴能包而用之納四夷之樂者美德廣之所及也高皇太皇帝太祖高祖文昭廟皆宜兼用先代及武始太鈞之舞有司奏宜如肅議奏可肅私造宗廟詩頌

十二篇不被哥晉武帝太始二年改制郊廟哥其樂舞亦仍舊也漢光武平隴蜀增廣郊祀高皇帝配食樂奏青陽朱明西皓玄冥雲翹育命之舞北郊及祀明堂並奏樂如南郊迎時氣五郊春哥青陽夏哥朱明並舞雲翹之舞秋哥西皓冬哥玄冥並舞育命之舞季夏哥朱明兼舞二舞章帝元和二年宗廟樂故事食舉有鹿鳴承元氣二曲三年自作詩四篇一曰思齊皇姚二曰六騏驎三曰竭肅雜四曰陟叱根合前六曲以爲宗廟食舉加宗廟食舉重來上陵二曲合八曲爲上陵食舉減宗廟食舉承元氣一曲加惟天之命天之曆數二曲合七曲爲殿中御食飯舉又漢太樂食舉十三曲一曰鹿鳴二曰重來三曰初造四曰俠安五曰歸來六曰遠期七曰有所思八曰明星九曰清涼十曰涉大海十一曰大置酒十二曰承元氣十三曰海淡淡魏氏及晉荀勗傳玄並爲哥辭

魏時以遠期承元氣海淡淡三曲多不通利省之魏雅樂四曲一曰鹿鳴後改曰於赫詠武帝二曰騶虞後改曰巍巍詠文帝三曰伐檀後省除四曰文王後改曰洋洋詠明帝騶虞伐檀文王並左延年改其聲正旦大會太尉奉璧羣后行禮東箱雅樂郎作者是也今謂之行禮曲姑洗箱所奏按鹿鳴本以宴樂爲體無當於朝享往時之失也晉武太始五年尚書奏使太僕傅玄中書監荀勗黃門侍郎張華各造正且行禮及王公上壽酒食舉樂哥詩詔又使中書郎成公綏亦作張華表曰按魏上壽食舉詩及漢氏所施用其文句長短不齊未皆合古蓋以依詠弦節本有因循而識樂知音足以制聲度曲法用率非凡近所能改二代三京襲而不變雖詩章詞異興廢隨時至其韻逗曲折皆繫於舊有由然也是以一皆因就不敢有所改易荀勗則曰魏氏哥詩或二言或三言或

四言或五言與古詩不類以問司律中郎將陳頤頤曰被之金石未必皆當故勗造晉哥皆爲四言唯王公上壽酒一篇爲三言五言此則華勗所明異旨也九年荀勗遂典知樂事使郭夏宋識等造正德大豫之舞而勗及傅玄張華又各造此舞哥詩勗作新律笛十二枚散騎常侍阮咸譏新律聲高高近哀思不合中和勗以其異已出咸爲始平相晉又改魏昭武舞曰宣武舞羽籥舞曰宣文舞咸寧元年詔定祖宗之號而廟樂同用正德大豫之舞至江左初立宗廟尚書下太常祭祀所用樂名太常賀循答云魏氏增損漢樂以爲一代之禮未審大晉樂名所以爲異遭離喪亂舊典不存然此諸樂皆和之以鐘律文之以五聲詠之於哥詞陳之於舞列宮縣在下琴瑟在堂八音迭奏雅樂並作登哥下管各有常詠周人之舊也自漢氏以來依放此禮自造新詩而已舊京荒廢

今既散亡音韻曲折又無識者則於今難以意言于時以無雅樂器及伶人省太樂并鼓吹令是後頗得登哥食舉之樂猶有未備明帝太寧末又詔阮孚等增益之成帝咸和中乃復置太樂官鳩習遺逸而尚未有金石也初荀勗既以新律造二舞又更修正鐘磬事未竟而勗薨惠帝元康三年詔其子黃門侍郎蕃修定金石以施郊廟尋值喪亂遺聲舊制莫有記者庾亮為荊州與謝尚共為朝廷修雅樂亮尋薨庾翼桓溫專事軍旅樂器在庫遂至朽壞焉晉氏之亂也樂人悉沒戎虜及胡亡鄴下樂人頗有來者謝尚時為尚書僕射因之以具鐘磬太元中破苻堅又獲樂工楊蜀等閑練舊樂於是四箱金石始備焉宋文帝元嘉九年太樂令鍾宗之更調金石十四年治書令史奚縱又改之語在律曆志晉世曹毗王珣等亦增造宗廟哥詩然郊祀遂不設樂何承天曰世咸傳

吳朝無雅樂案孫皓迎父喪明陵唯云倡伎晝夜不息則無金石登哥可知矣承天曰或云今之神絃孫氏以為宗廟登哥也史臣案陸機孫權誅肆夏在廟雲翹承機不容虛設此言又韋昭孫休世上鼓吹饒哥十二曲表曰當付樂官善哥者習哥然則吳朝非無樂官善哥者乃能以哥辭被絲管寧容止以神絃為廟樂而已乎宋武帝永初元年七月有司奏皇朝肇建廟祀廟設雅樂太常鄭鮮之等八十八人各撰立新哥黃門侍郎王韶之所撰哥辭七首並合施用詔可十二月有司又奏依舊正旦設樂參詳屬三省改太樂諸哥舞詩黃門侍郎王韶之立三十二章合用教試日近宜逆誦習輒申攝施行詔可又改正德舞曰前舞大豫舞曰後舞元嘉十八年九月有司奏二郊宜奏登哥又議宗廟舞事錄尚書江夏王義恭等十二人立議同未及列奏值軍興事寢二十二年



南郊始設登哥詔御史中丞顏延之造哥詩廟舞猶闕孝建二年九月甲午有司奏前殿中曹郎荀萬秋議案禮祭天地有樂者爲降神也故易曰雷出地奮豫先王以作樂崇德殷薦之上帝以配祖考周官曰作樂於圜丘之上天神皆降作樂於方澤之中地祇皆出又曰乃奏黃鍾哥大呂舞雲門以祀天神乃奏太簇哥應鍾舞咸池以祀地祇由斯而言以樂祭天地其來尚矣今郊享闕樂竊以爲疑祭統曰夫祭有三重焉獻之屬莫重於裸聲莫重於升歌舞莫重於武宿夜此周道也至於秦秦五行魏舞咸熙皆以用享爰逮晉氏泰始之初傅玄作晉郊廟哥詩三十二篇元康中荀蕃受詔成父勗業金石四縣用之郊廟是則相承郊廟有樂之證也今廟祠登歌雖奏而象舞未陳懼闕備禮夫聖王經世異代同風雖損益或殊降殺迭運未嘗不執古御今同規合矩方茲休明

在辰文物大備禮儀遺逸罔不具舉而況出祇降神輟樂於郊祭昭德舞功有關於廟享謂郊廟宜設備樂於是使內外博議驃騎大將軍竟陵王誕等五十一人並同萬秋議尚書左僕射建平王宏議以爲聖王之德雖同荆制之禮或異樂不相沿禮無因襲自寶命開基皇符在運業富前王風通振古朝儀國章並循先代自後晉東遷日不暇給雖大典略備遺闕尚多至於樂號廟禮未該往正今帝德再昌大孝御寓宜討定禮本以昭來葉尋舜樂稱韶漢改文始周樂大武秦革五行眷夫祖有功而宗有德故漢高祖廟樂稱武德太宗廟樂曰昭德魏制武始舞武廟制咸熙舞文廟則祖宗之廟別有樂名晉氏之樂正德大豫及宋不更名直爲前後二舞依據昔代義并事乖今宜釐改權稱以凱容爲韶舞宣烈爲武舞祖宗廟樂總以德爲名若廟非不毀則樂無別稱猶漢高

文武咸有嘉號。惠景二主樂有餘名。章皇太后廟依諸儒議。唯奏文樂。何休杜預范甯注。初獻六羽。並不言佾者。佾則干在其中。明婦人無武事也。郊祀之樂無復別名。乃同宗廟而已。尋諸漢志。永至等樂各有義。況宜仍舊不改。宋及東晉太祝唯送神而不迎神。近議者或云。廟以居神。恒如在也。不應有迎送之事。意以爲並乖其哀。立廟居靈。四時致享。以申孝思之情。夫神升降無常。何必恒安所處。故祭義云。樂以迎來。哀以送往。鄭注云。迎來而樂。樂親之來。送往而哀。哀其享否不可知也。尚書有神天。又詩云。神保適歸。注曰。歸於天地也。此並言神有去來。則有送迎明矣。卽周肆夏之名。備迎送之樂。古以尸象神。故儀禮祝有迎尸。送尸。近代雖無尸。豈可闕迎送之禮。又傳玄有迎神送神歌辭。明江左不迎。非舊典也。散騎常侍丹陽尹建城縣開國侯顏竣議。以爲德業殊稱。則干

天

天子行謀

羽異容時無沿制。故物有損益。至於禮失道。僞稱習忘。反中興。釐運視聽。所革先代。繆章宜見。刊正郊之有樂。蓋生周易周官。歷代著議。莫不援准。夫掃地而祭。器用陶匏。唯質與誠。以章天德。文物之備。理固不然。周官曰。國有故則旅。上帝及四望。又曰。四圭有邸。以祀天。旅上帝。兩圭有邸。以祀地。旅四望。四望非地。則知上帝非天。孝經云。郊祀后稷。以配天。宗祀文王於明堂。以配上帝。則豫之作樂。非郊天地。大司樂職。奏黃鍾歌大呂舞雲門。以祀天神。鄭注。天神五帝及日月星辰也。王者以夏正月祀其所受命之帝於南郊。則二至之祀。又非天地。考之衆經。郊祀有樂。未見明證。宗廟之禮。事炳載籍。爰自漢元迄乎有晉。雖時或更制。大抵相因爲不襲。名號而已。今樂曲淪滅。知音世希。改作之事。臣聞其語。正德大豫禮容具存。宜殊其徽號。飾而用之。以正德爲宣化之舞。大豫爲興

胡祝

更胡祝

于典

和之舞庶足以光表世烈悅被後昆前漢祖宗廟處各異主名既  
革舞號亦殊今七廟合食庭殿共所舞蹈之容不得廟有別制後  
漢東平王蒼已議之矣又王肅韓祇以王者德廣無外六代四夷  
之舞金石絲竹之樂宜備奏宗廟愚謂蒼肅祇議合於典禮適於  
當今左僕射建平王宏又議按據周禮孝經天與上帝連文重出  
故謂上帝非天則易之作樂非謂祭天也按易稱先王以作樂崇  
德殷薦之上帝以配祖考尚書云肆類于上帝春秋傳曰告昊天  
上帝凡上帝之言無非天也天尊不可以一稱故或謂昊天或謂  
上帝或謂昊天上帝不得以天有數稱便謂上帝非天徐邈推周  
禮國有故則旅上帝以知禮天旅上帝同是祭天言禮天者謂常  
祀也旅上帝者有故而祭也孝經稱嚴父莫大於配天故云郊祀  
后稷以配天宗祀文王於明堂以配上帝既天爲議則上帝猶天

此一定  
之理

益明也不欲使二天之同故變上帝爾周禮祀天之言再見故鄭  
注以前天神爲五帝後冬至所祭爲昊天竣又云二至之祀又非  
天地未知天地竟應以何時致享記云掃地而祭器用陶匏旨明  
所用質素無害以樂降神萬秋謂郊宜有樂事有典據竣又云東  
平王蒼以爲前漢諸祖別廟是以祖宗之廟可得各有舞樂至於  
祫祭始祖之廟則專用始祖之舞故謂後漢諸祖共廟同庭雖有  
祖宗不宜入別舞此誠一家之意而未統適時之變也後漢從儉  
故諸祖共廟猶以異室存別室之禮晉氏以來登哥誦美諸室繼  
作至於祖宗樂舞何獨不可迭奏苟所詠者殊雖復共庭亦非嫌  
也魏三祖各有舞樂豈復是異廟邪衆議並同宏祠南郊迎神奏  
肆夏皇帝初登壇奏登哥初獻奏凱容宣烈之舞送神奏肆夏祠  
廟迎神奏肆夏皇帝入廟門奏永至皇帝詣東壁奏登哥初獻奏

廟

通書有言

所出

凱容宣烈之舞終獻奏永安送神奏肆夏詔可孝建二年十月辛  
未有司又奏郊廟舞樂皇帝親奉初登壇及入廟詣東壁並奏登  
哥不及三公行事左僕射建平王宏重參議公卿行事亦宜奏  
哥有司又奏元會及二廟齊祠登哥伎舊並於殿庭設作尋廟祠  
依新儀注登哥人上殿絃管在下今元會登哥人亦上殿絃管在  
下並詔可文帝章太后廟未有樂章孝武大明中使尚書左丞殷  
淡造新哥明帝又自造昭太后宣太后哥詩

後漢正月旦天子臨德陽殿受朝賀舍利從西方來戲於殿前激  
水化成比目魚跳躍嗽水作霧翳日畢又化成黃龍長八九丈出  
水游戲炫耀日光以兩大絲繩繫兩柱頭相去數丈兩倡女對舞  
行於繩上相逢切肩而不傾

魏晉訖江左猶有夏育扛鼎巨象行乳神龜拊舞背負靈岳桂樹

白雪畫地成川之樂焉

晉成帝咸康七年散騎侍郎顧臻表曰臣聞聖王制樂贊揚治道  
養以仁義防其邪淫上享宗廟下訓黎民體五行之正音協八風  
以陶氣以宮聲正方而好義角聲堅齊而率禮弦哥鐘鼓金石之  
作備矣故通神至化有率舞之感移風改俗致和樂之極末世之  
伎設禮外之觀逆行連倒頭足入筓之屬皮膚外剝肝心內摧敦  
彼行葦猶謂勿踐矧伊生民而不惻愴加以四海朝覲言觀帝庭  
耳聆雅頌之聲目覩威儀之序足以跼天頭以履地反兩儀之順  
傷彝倫之大方今夷狄對岸外御爲急兵食七升忘身赴難過秦  
之戲日稟五斗方掃神州經略中甸若此之事不可示遠宜下太  
常纂備雅樂簫韶九成惟新於盛運功德頌聲永著於來葉此乃  
詩所以燕及皇天克昌厥後者也雜伎而傷人者皆宜除之流簡

儉之德邁康哉之詠清風既行民應如草此之謂也愚管之誠惟垂采察於是除高絙紫鹿歧行鼈食及齊王捲衣竿兒等樂又減其真其後復高絙紫鹿焉

宋文帝元嘉十三年司徒彭城王義康於東府正會依舊給伎總章工馮大列相承給諸王伎十四種其舞伎三十六人太常傳隆以爲未詳此人數所由唯杜預注左傳佾舞云諸侯六六三十六人常以爲非夫舞者所以節八音者也八音克諧然後成樂故必以八人爲列自天子至士降殺以兩兩者減其二列爾預以爲一列又減二人至士止餘四人豈復成樂按服虔注傳云天子八八諸侯六八大夫四八士二八其義甚允今諸王不復舞佾其總章舞伎卽古之女樂也殿庭八八諸王則應六八理例坦然又春秋鄭伯納晉悼公女樂二八晉以一八賜魏絳此樂以八人爲列之

證也若如議者唯天子八則鄭應納晉二六晉應賜絳一六也自天子至士其文物典章尊卑差級莫不以兩未有諸侯旣降二列又列輒減二人近降太半非唯八音不具於兩義亦乖杜氏之謬可見矣國典事大宜令詳正事不施行

民之生莫有知其始也含靈抱智以生天地之間夫喜怒哀樂之情好得惡失之性不學而能不知所以然而然者也怒則爭鬪喜則詠歌夫歌者固樂之始也詠歌不足乃手之舞之足之蹈之然則舞又歌之次也詠歌舞蹈所以宣其喜心喜而無節則流淫莫反故聖人以五聲和其性以八音節其流而故謂之樂能移風易俗平心正體焉昔有娥氏有二女居九成之臺天帝使鸞夜往二女覆以玉筐旣而發視之鸞遺二卵五色北飛不反二女作歌始爲北音禹省南土嶽山之女令其妾候禹於嶽山之陽女乃作歌

雖本詩經乃云天帝使之無稽之甚也

八列

通典有傳

始為南音。夏后孔甲田於東陽，黃山天大風晦冥，迷入民室。主人方乳，或曰：「后來是良日也，必大吉。」或曰：「不勝之子必有殃。」后乃取以歸，曰：「以為余子，誰敢殃之？」後析椽，斧破斷其足。孔甲曰：「嗚呼，有命矣！」乃作破斧之歌。始為東音。周昭王南征，殞於漢中。王右辛餘靡，長且多力，振王北濟。周公乃封之西翟，徙宅西河，追思故處，作歌始為西音。此蓋四方之歌也。黃帝帝堯之世，王化下洽，民樂無事故，因擊壤之歡，慶雲之瑞，民因以作歌。其後風衰雅缺，而沃淫靡漫之聲起。周衰有秦青者，善謳而薛談學謳於秦青，未窮青之伎而辭歸，青餞之於郊，乃撫節悲歌，聲震林木，響遏行雲。薛談遂不去，以卒其業。又有韓娥者，東之齊，至離門，匱糧乃鬻歌假食。既而去，餘響繞梁三日不絕。左右謂其人不，去也。過逆旅，逆旅人辱之。韓娥因曼聲哀哭，一里老幼悲愁垂涕，相對三日不食。遽而

曰頊於漢中又曰振王此齊蓋振其尸也不然王何不封之而侍周公左待而曰昭王南征不復九

追之。韓娥還，復為曼聲長歌。一里老幼喜躍抃舞，不能自禁。忘向之悲也。乃厚賂遣之。故離門之人善歌，哭效韓娥之遺聲。衛人王豹處淇川，善謳，河西之民皆化之。齊人綿駒，居高唐，善歌，齊之右地亦傳其業。前漢有虞公者，善歌，能令梁上塵起。若斯之類，並徒歌也。爾雅曰：「徒歌曰謠。」凡樂章古詞，今之存者，並漢世街陌謠。江南可采蓮，烏生十五子，白頭吟之屬是也。吳歌雜曲，並出江東。晉宋以來，稍有增廣。

三事趣甚妙甚幻甚上並見諸子九錫

子夜歌者，有女子名子夜，造此聲。晉孝武太元中，琅邪王軻之家，有鬼哥子夜，殷允為豫章時，豫章僑人庾僧度家亦有鬼哥子夜。殷允為豫章，亦是太元中，則子夜是此時以前人也。鳳將雛，哥者舊曲也。應璩百一詩云：「為作陌上桑，反言鳳將雛。」然則鳳將雛，其來久矣。將由譌變，以至於此乎。

時通典作郡

前溪哥者晉車騎將軍沈玩所制

阿子及歡聞哥者晉穆帝升平初哥畢輒呼阿子汝聞不語在五  
行志後人演其聲以爲二曲

團扇哥者晉中書令王珉與媵婢有情愛好甚篤媵捶撻婢過苦  
婢素善哥而珉好捉白團扇故制此哥

督護哥者彭城內史徐逵之爲魯軌所殺宋高祖使府內直督護  
丁旡收斂殯靈之逵之妻高祖長女也呼旡至閣下自問斂送之  
事每問輒歎息曰丁督護其聲哀切後人因其聲廣其曲焉

懊惱歌者晉隆安初民間譌謠之曲語在五行志宋少帝更制新  
哥太祖常謂之中朝曲

六變諸曲皆因事制哥

長史變者司徒左長史王歛臨敗所制

讀曲哥者民間爲彭城王義康所作也其哥云死臯劉領軍誤殺  
劉第四是也凡此諸曲始皆徒哥旣而被之弦管又有因弦管金  
石造哥以被之魏世三調哥詞之類是也

古者天子聽政使公卿大夫獻詩耆艾修之而後王斟酌焉秦漢  
闕采詩之官哥詠多因前代與時事旣不相應且無以垂示後昆  
漢武帝雖頗造新哥然不以光揚祖考崇述正德爲先但多詠祭  
祀見事及其祥瑞而已商周雅頌之體闕焉

鞞舞未詳所起然漢代已施於燕享矣傅毅張衡所賦皆其事也  
曹植鞞舞哥序曰漢靈帝西園故事有李堅者能鞞舞遭亂西隨  
段煨先帝聞其舊有技召之堅旣中廢兼古曲多謬誤異代之文  
未必相襲故依前曲改作新哥五篇不敢充之黃門近以成下國  
之陋樂焉晉鞞舞哥亦五篇又鐸舞哥一篇幡舞哥一篇鼓舞伎

六曲並陳於元會今幡鼓哥詞猶存舞並闕鞞舞卽今之鞞扇舞也又云晉初有柘槃舞公莫舞史臣按柘槃舞今之齊世寧也張衡舞賦云歷七槃而縱躡王粲七釋云七槃陳於廣庭近世文士顏延之云遞間關於槃扇鮑昭云七槃起長神皆以七槃爲舞也搜神記云晉太康中天下爲晉世寧舞矜手以接柘柘反覆之此則漢世唯有柘舞而晉加之以柘反覆之也

袖

公莫舞今之巾舞也相傳云項莊劔舞項伯以袖隔之使不得害漢高祖且語莊云公莫古人相呼曰公云莫害漢王也今之用巾蓋像項伯衣袖之遺式按琴操有公莫渡河曲然則其聲所從來已久俗云項伯非也

江左初又有拂舞舊云拂舞吳舞檢其哥非吳詞也皆陳於殿庭揚泓拂舞序曰自到江南見白符舞或言白鳧鳩舞云有此來數

十年察其詞旨乃是吳人患孫皓虐政思屬晉也又有白紵舞按舞詞有巾袍之言紵本吳地所出宜是吳舞也晉俳哥又云皎皎白緒節節爲雙吳音呼緒爲紵疑白紵卽白紵鞞舞故二八桓玄將卽真太樂遣衆伎尚書殿中郎表明子啟增滿八佾相承不復革宋明帝自改舞曲哥詞并詔近臣虞蘇並作又有西僖羌胡諸雜舞隨王誕在襄陽造襄陽樂南平穆王爲豫州造壽陽樂荊州刺史沈攸之又造西烏飛哥曲並列於樂官哥詞多淫哇不典正前世樂飲酒酣必起自舞詩云屢舞僊僊是也宴樂必舞但不宜屢爾譏在屢舞不譏舞也漢武帝樂飲長沙定王舞又是也魏晉已來尤重以舞相屬所屬者代起舞猶若飲酒以柘相屬也謝安舞以屬桓嗣是也近世以來此風絕矣孝武大明中以鞞拂雜舞合之鐘石施於殿庭順帝昇明二年尚書令王僧虔上表言之并

緒典



論三調哥曰臣聞風雅之作由來尚矣大者繫乎興衰其次者著於率舞在於心而木石感鏗鏘奏而國俗移故鄭相出郊辯聲知戚延陵入聘觀樂知風是則音不妄啟曲豈徒奏哥倡既設休戚已徵清濁是均山琴自應斯乃天地之靈和升降之明節今帝道四達禮樂交通誠非寡陋所敢裁酌伏以三古缺聞六代潛響舞詠與日月偕湮精靈與風雲俱滅追餘操而長懷撫遺器而太息此則然矣夫鐘縣之器以雅爲用凱容之制八佾爲體故羽籥擊拊以相諧應季氏獲誚將在於此今總章舊佾二八之流袿服既殊曲律亦異推今校古皎然可知又哥鐘一肆京諧女樂以哥爲稱非雅器也大明中卽以宮縣合和鞞拂節數雖會慮乖雅體將來知音或譏聖世若謂鐘舞已諧不欲廢罷別立哥鐘以調羽佾止於別宴不關朝享四縣所奏謹依雅則斯則舊樂前典不墜於

諧

克

地臣昔已制哥磬猶在樂官具以副鐘配成一部卽義沿理如或可安又今之清商實猶銅雀魏氏三祖風流可懷京洛相高江左彌重諒以金縣干戚事絕於斯而情變聽改稍復零落十數年間亡者將半自頃家競新哇人尚謠俗務在噍危不顧律紀流宕無涯未知所極排斥典正崇長煩淫士有等差無故不可以去禮樂有攸序長幼不可以共聞故誼醜之製日盛於廛里風味之韻獨盡於衣冠夫川震社亡同靈畢戒哀思靡漫異世齊驩咎徵不殊而欣畏並用竊所未譬也方今塵靜畿中波恬海外雅頌得所寔在茲辰臣以爲宜命典司務勤課習緝理舊聲迭相開曉凡所遺漏悉使補拾曲全者祿厚藝敏者位優利以動人則人思自勸風以靡之可不訓自革反本還源庶可跂踵詔曰僧虔表如此夫鐘鼓旣陳雅頌斯辨所以懋感人祇化動翔泳頃自金籥弛韻羽佾

干

未疑正俗移風良在茲日昔阮咸清識王度昭奇樂緒增修異世同功矣便可付外遵詳樂器凡八音曰金曰石曰土曰革曰絲曰木曰匏曰竹

八音一曰金金鐘也鎛也鐸也鐃也鐃也鐃也鐘者世本云黃帝工人垂所造爾雅云大鐘曰鏞書曰笙鏞以間是也中者曰剽剽音瓢小者曰棧棧音酸晉江左初所得棧鐘是也縣鐘磬者曰筍虞橫曰筍從曰虞蔡邕曰寫鳥獸之形大聲有力者以爲鍾虞清聲無力者以爲磬虞擊其所縣知由其虞鳴焉鎛如鍾而大史臣按前代有大鐘若周之無射非一皆謂之鐘鎛之言近代無聞焉鎛鎛于也圓如碓頭大上小下今民間猶時有其器周禮以金鎛和鼓

鐃鉦也形如小鐘軍行鳴之以爲鼓節周禮以金鐃節鼓

鐃如鈴而無舌有柄執而鳴之周禮以金鐃止鼓漢鼓吹曲曰鐃哥

鐸大鈴也周禮以金鐸通鼓

八音二曰石石磬也世本云赫所造不知赫何代人爾雅曰形似犁鎡以玉爲之大曰磬磬音囂

八音三曰土土埴也世本云暴新所造亦不知何代人也周畿內有暴國豈其時人乎燒土爲之大如鵝卵銳上平底形似稱錘六孔爾雅云大者曰噐噐音叫小者如雞子

八音四曰革革鼓也鞀也節也大曰鼓小曰鞀又曰應應劭風俗通曰不知誰所造以桴擊之曰鼓以手搖之曰鞀鼓及鞀之八面者曰雷鼓雷鞀六面者曰靈鼓靈鞀四面者曰路鼓路鞀周禮以雷鼓祀天神以靈鼓社祭以路鼓鼓鬼享鼓長八尺者曰鼗鼓以

鼓軍事長丈二尺者曰鼙鼓凡守備及役事則鼓之今世謂之下  
鼙鼙周禮音戚今世音切豉反長六尺六寸者曰晉鼓金奏則鼓  
之應鼓在大鼓側詩云應棘懸鼓是也小鼓有柄曰鞀大鞀謂之  
鞀月令仲夏修鞀鞀是也然則鞀鞀卽鞀類也又有鼉鼓焉節不  
知誰所造傳玄節賦云黃鍾唱哥九韶興舞口非節不詠手非節  
不拊此則所從來亦遠矣

八音五曰絲絲琴瑟也筑也箏也琵琶空侯也琴馬融笛賦云宓  
羲造琴世本云神農所造爾雅大琴曰離二十絃今無其器齊桓  
曰號鐘楚莊曰繞梁相如曰樵尾伯喈曰綠綺事出傳玄琴賦世  
云樵尾是伯喈琴伯喈傳亦云爾以傳氏言之則非伯喈也

瑟馬融笛賦云神農造瑟世本宓羲所造爾雅云瑟二十七絃者  
曰灑今無其器

筑不知誰所造史籍唯云高漸離善擊筑

箏秦聲也傳玄箏賦序曰世以爲蒙恬所造今觀其體合法度節  
究哀樂乃仁智之器豈亡國之臣所能關思哉風俗通則曰筑身  
而瑟絃不知誰所改作也

琵琶傳玄琵琶賦曰漢遣烏孫公主嫁昆彌念其行道思慕故使  
工人裁箏筑爲馬上之樂欲從方俗語故名曰琵琶取其易傳於  
外國也風俗通云以手琵琶因以爲名杜摯云長城之役絃鼉而  
鼓之並未詳孰實其器不列四箱空侯初名坎侯漢武帝賽滅南  
越祠太一后土用樂令樂人侯暉依琴作坎侯言其坎坎應節奏  
也侯者因工人姓爾後言空音訛也古施郊廟雅樂近世來專用  
於楚聲宋孝武帝大明中吳興沈懷遠被徙廣州造繞梁其器與  
空侯相似懷遠後亡其器亦絕

八音六曰木木祝也。故也。並不知誰所造。樂記曰：聖人作為控楬，塤箎所起亦遠矣。祝如漆箛，方二尺四寸，深尺八寸，中有椎柄，連底桐之令左右擊。

敵狀如虎背，上有二十七鉏鋸，以竹長尺，名曰止橫，操之以節樂終也。

八音七曰匏，匏笙也。竽也。笙隨所造，不知何代人列管匏內，施簧管端，宮管在中央，三十六簧，曰竽，宮管在左，傍十九簧，至十三簧曰笙，其它皆相似也。竽今亡，大笙謂之簧，小者謂之和，其笙中之簧，女媧所造也。詩傳云：吹笙則簧鼓矣。蓋笙中之簧也。爾雅曰：笙十九簧者，曰巢。漢章帝時，零陵文學奚景於舜祠得笙，白玉管，後世易之以竹乎。

八音八曰竹，竹律也。呂也。簫也。管也。箎也。簞也。笛也。律呂在律呂

志

簫世本云：舜所造。爾雅曰：編二十三管，尺四寸者，曰言，十六管，長尺二寸者，筳，筳音爻，凡簫一名籟。前世有洞簫，其器今亡。蔡邕曰：簫編竹有底，然則邕時無洞簫矣。

管爾雅曰：長尺圍寸，併漆之，有底大者，曰箛，箛音驕，中者，曰篴，小者，曰箛，箛音妙。古者以玉為管，舜時西王母獻白玉琯，是也。月令均琴瑟管簫蔡邕章句曰：管者形長尺圍寸，有孔無底，其器今亡。

箎世本云：暴新公所造。舊志云：一曰管，史臣案非也。雖不知暴新公何代人，而非舜前人明矣。舜時西王母獻管，則是已有其器。新公安得造箎乎。爾雅曰：箎大者，尺四寸圍三寸，曰沂，沂音銀，一名翹，小者，尺二寸，今有胡箎，出於胡吹，非雅器也。

簞不知誰所造。周禮有簞師，掌教國子秋冬吹簞。今凱容宣烈舞

所執羽籥是也蓋詩所云左手執籥右手秉翟者也爾雅云籥如  
笛三孔而短小爾雅云七孔大者曰產中者曰仲小者曰箛箛音  
握

笛案馬融長笛賦此器起近世出於羌中京房備其五音又稱丘  
仲工其事不言仲所造風俗通則曰丘仲造笛武帝時人其後更  
有羌笛爾三說不同未詳孰實

篴杜摯笳賦云李伯陽入西戎所造漢舊注曰箛號曰吹鞭晉先  
蠶注車駕任吹小箛發吹大箛箛卽篴也又有胡笳漢舊箏笛錄  
有其曲不記所出本末

鼓吹蓋短簫鐃哥蔡邕曰軍樂也黃帝岐伯所作以揚德建武勸  
士諷敵也周官曰師有功則愷樂左傳曰晉文公勝楚振旅凱而  
入司馬法曰得意則愷樂愷哥雍門周說孟嘗君鼓吹于不測之

淵說者云鼓自一物吹自竽籟之屬非簫鼓合奏別爲一樂之名  
也然則短簫鐃哥此時未名鼓吹矣應劭漢鹵簿圖唯有騎執箛  
箛卽箛不云鼓吹而漢世有黃門鼓吹漢享宴食舉樂十三曲與  
魏世鼓吹長簫同長簫短簫伎錄並云絲竹合作執節者哥又建  
初錄云務成黃爵玄雲遠期皆騎吹曲非鼓吹曲此則列於殿庭  
者爲鼓吹今之從行鼓吹爲騎吹二曲異也又孫權觀魏武軍作  
鼓吹而還此又應是今之鼓吹魏晉世又假諸將帥及牙門曲蓋  
鼓吹斯則其時謂之鼓吹矣魏晉世給鼓吹甚輕牙門督將五校  
悉有鼓吹晉江左初臨川太守謝摛每寢輒夢聞鼓吹有人爲其  
占之曰君不得生鼓吹當得死鼓吹爾摛擊杜弢戰沒追贈長水  
校尉葬給鼓吹焉謝尚爲江夏太守詣安西將軍庾翼於武昌咨  
事翼與尚射曰卿若破的當以鼓吹相賞尚射破的便以其副鼓

吹給之今則甚重矣

角書記所不載或云出羌胡以驚中國馬或云出吳越舊志云古樂有籟缶今並無史臣案爾雅籟自是簫之一名耳詩云坎其擊缶毛傳曰益謂之缶

築城相杵者出自梁孝王孝王築睢陽城方十二里造倡聲以小鼓為節築者下杵以和之後謂此聲為睢陽曲至今傳之

魏晉之世有孫氏善弘舊曲宋識善擊節倡和陳左善清哥列和善吹笛郝索善彈箏朱生善琵琶尤發新聲傳玄著書曰人若欽所聞而忽所見不亦惑乎設此六人生於上世越古今而無儷何但夔牙同契哉案此說則自茲以後皆孫朱等之遺則也

宋書卷十九 志第九

西川毛鳳書氏譜

宋書卷二十

西川毛鳳書氏譜

志第十

樂二

蔡邕論敘漢樂曰一曰郊廟神靈二曰天子享宴三曰大射辟雍

四曰短簫鏡歌

晉郊祀歌五篇

傳玄造

天命有晉

穆穆明明

我其夙夜

祇事上靈

常于時假

迄用有成

於薦玄牡

進夕其牲

崇德作樂

神祇是聽

右祠天地五郊夕牲歌一篇

宣文烝哉

日靖四方

永言保之

夙夜匪康

光天之命

上帝是皇

嘉樂殷薦

靈祁景祥

神祇隆假

享福無疆

右祠天地五郊迎送神歌一篇

天祚有晉 其命惟新 受終于魏 奄有兆民 燕及皇天  
懷柔百神 不顯遺烈 之德之純 享其玄牡 式用肇禋  
神祇來格 福祿是臻 時邁其猶 昊天子之 祐享有晉  
兆民戴之 畏天之威 敬授民時 不顯不承 於猶繹思  
皇極斯建 庶績咸熙 庶幾夙夜 惟晉之祺 宣文惟后  
克配彼天 撫寧四海 保有康年 於乎緝熙 肆用靖民  
爰立典制 爰修禮紀 作民之極 其匪資始 克昌厥後  
永言保之

右饗天地五郊歌三篇

前所作天地郊明堂歌五篇

傳玄造

皇矣有晉 時邁其德 受終于天 光濟萬國 萬國既光  
神定厥祥 虔于郊祀 祇事上皇 祇事上皇 百祿是臻

巍巍祖考 克配彼天 嘉牲匪歆 德馨惟饗 受天之祚

神和四暢

右天地郊明堂夕牲歌

於赫大晉 膺天景祥 二帝邁德 宣茲重光 我皇受命  
奄有萬方 郊祀配享 禮樂孔章 神祇嘉饗 祖考是皇

克昌厥後 係胙無疆

右天地郊明堂降神歌

整泰壇 祀皇神 精氣感 百靈賓 蒞朱火 燎芳薪

紫烟游 冠青雲 神之體 靡象形 曠無方 幽以清

神之來 光景照 聽無聞 視無兆 神之至 舉歆歆

靈爽協 動余心 神之坐 同歡娛 澤雲翔 化風舒

嘉樂奏 文中聲 八音諧 神是聽 咸潔齋 竝芬芳

烹牲牲 享玉觴 神說饗 歆禋祀 祐大晉 降繁祉  
昨京邑 行四海 保天年 窮地紀

右天郊饗神歌

整泰行 埃皇祇 衆神感 群靈儀 陰祀設 吉禮施  
夜將極 時未移 祇之體 無形象 潛泰幽 洞忽荒  
祇之出 夢若有 靈無遠 天下母 祇之來 遺光景  
照若存 終冥冥 祇之至 舉欣欣 舞象德 歌成文  
祇之坐 同歡豫 澤雨施 化雲布 樂八變 聲教敷  
物咸享 祇是娛 齋既潔 侍者肅 玉觴進 咸穆穆  
饗嘉慶 歆德馨 昨有晉 暨群生 溢九壤 格天庭  
保萬壽 延億齡

右地郊饗神歌

經始明堂 享祀匪懈 於皇烈考 光配上帝 赫赫上帝  
既高既崇 聖考是配 明德顯融 率土敬職 萬方來祭  
常于時假 保胙永世

右明堂饗神歌

宋南郊雅樂登歌三篇 顏延之造

寅威寶命 嚴恭帝祖 表海炳岱 系唐胄楚 靈鑑濬文  
民屬叡武 奄受敷錫 宅中拓宇 亘地稱皇 罄天作主  
月竈來賓 日際奉土 開元首正 禮交樂舉 六典聯事  
九官列序 有牲在滌 有潔在俎 以薦王哀 以答神祐

右天地郊夕牲歌

維聖饗常 維孝饗親 皇乎備矣 有事上春 禮行宗祀  
敬達郊禋 金枝中樹 廣樂四陳 陟配在京 降德在民



奔精照夜 高燎煬晨 陰明浮爍 沈榮深淪 告成大報  
受釐元神 月御按節 星驅扶輪 遙興遠駕 燿燿振振  
右天地郊迎送神歌

營秦時 定天衷 思心叡 謀筮從 建表蒞 設郊宮  
田燭置 權火通 曆元旬 律首吉 飾紫壇 坎列室  
中星兆 六宗秩 乾宇晏 地區謚 大孝昭 祭禮供  
牲日展 盛自躬 具陳器 備禮容 形舞綴 被歌鐘  
望帝闡 聳神蹕 靈之來 辰光溢 潔粢酌 娛太一  
明輝夜 華哲日 裸既始 獻又終 煙薌鬯 報清穹  
饗宋德 胙王功 休命永 福履充

右天地饗神歌

宋明堂歌 謝莊造

地紐謚 乾樞回 華蓋動 紫微開 旌蔽日 車若雲  
駕六氣 乘綢繆 曄帝京 輝天邑 聖祖降 五靈集  
構瑤彤 聳珠簾 漢拂幌 月棲檐 舞綴暘 鐘缺融  
駐飛景 鬱行風 懋粢盛 潔牲牲 百禮肅 群司虔  
皇德遠 大孝昌 貫九幽 洞三光 神之安 解玉鑾  
景福至 萬寓歡

右迎神歌詩 依漢郊祀迎神三言四句一轉韻

雝臺辨朔 澤官練辰 潔火夕照 明水朝陳 六瑚貢室  
八羽華庭 昭事先聖 懷濡上靈 肆夏戒敬 升歌發德  
永固鴻基 以綏萬國

右登歌詞 舊四言

維天爲大 維聖祖是言 辰居萬寓 綴塗下國 內靈八輔

外光四瀛 蒿宮仰蓋 日館希旌 複殿留景 重檐結風  
刮楹接緯 達嚮承虹 設業設虞 在王庭 肇禋祀  
克配乎靈 我將我享 維孟之春 以孝以敬 以立我烝民

右歌太祖文皇帝詞 依周頌體

參昴夕 駟照晨 靈乘震 司青春 鴈將向 桐始蕤  
柔風舞 暄光遲 萌動達 萬品新 潤無際 澤無垠

右歌青帝詞 三言依木數

龍精初見大火中 朱光北至圭景同 帝在在離寔司衡  
水雨方降木槿榮 庶物盛長咸殷阜 恩覃四冥被九有

右歌赤帝辭 七言依火數

履建宅中寓 司繩御四方 裁化遍寒燠 布政周炎涼  
景麗條可結 霜明冰可折 凱風扇朱辰 白雲流素節

分至乘結晷 啓閉集恒度 帝運緝萬有 皇靈澄國步

右歌黃帝辭 五言依土數

百川如鏡天地爽且明 雲沖氣舉德盛在素口  
木葉初下洞庭始揚波 夜光徹地翻霜照懸河

庶類收成歲功行欲寧 浹地奉渥罄宇承秋靈

右歌白帝辭 九言依金數

歲月既晏方馳 靈乘坎德司規 玄雲合晦鳥路  
白雲繁亘天涯 雷在地時未光 飭國典閉關梁

四節遍萬物殿 福九域祚八鄉 晨晷促夕漏延

大陰極微陽宣 鵲將巢冰已解 氣濡水風動泉

右歌黑帝辭 六言依水數

蘊禮容 餘樂度 靈方留 景欲暮 開九重 肅五達

鳳參差 龍已沫 雲旣動 河旣梁 萬里照 四空香  
神之車 歸清都 璇庭寂 玉殿虛 睿化凝 孝風熾  
顧靈心 結皇思

右送神歌辭

漢郊祀送神亦三言

右天郊饗神歌

魏俞兒舞歌四篇

魏國初建所用後於太祖廟並作之

王粲造

漢初建國家 匡九州 蠻荆震服 五刃三革休  
安不忘備武樂修 宴我賓師 敬用御天 永樂無憂  
子孫受百福 常與松喬遊 蒸庶德 莫不咸歡柔

右矛俞新福歌

材官選士 劍弩錯陳 應桴蹈節 俯仰若神 綏我武烈  
篤我淳仁 自東自西 莫不來賓

右弩俞新福歌

我功旣定 庶士咸綏 樂陳我廣庭 式宴賓與師 昭文德  
宣武威 平九有 撫民黎 荷天寵 延壽尸 千載莫我違

右安臺新福歌曲

神武用師士素厲 仁恩廣覆 猛節橫逝 自古立功  
莫我弘大 桓桓征四國 爰及海裔 漢國係長慶  
壘祚延萬世

右行辭新福歌曲

晉宣武舞歌四篇 傅玄造

惟聖皇篇 矛俞第一

惟聖皇德 巍巍光四海 禮樂猶形影 文武爲表裏  
乃作巴俞 肆武士 劍弩齊列 戈矛爲之始

進退疾鷹鷂 龍戰而豹起 如亂不可亂 動作順其理  
離合有統紀

短兵篇 劔俞第二

劔為短兵 其勢險危 疾踰飛電 回旋應規 武節齊聲  
或合或離 電發星驚 若景若差 兵法攸象 軍容是儀

軍鎮篇 弩俞第三

弩為遠兵軍之鎮 其發有機 體難動往必速 重而不遲  
銳精分鏹 射遠中微 弩俞之樂 壹何奇 變多姿

退若激 進若飛 五聲協 八音諧 宜武象 讚天威

窮武篇 安臺行亂第四

窮武者也 何但敗北 柔弱亡戰 國家亦廢 秦始徐偃  
既已作戒前世 先王鑒其機 修文整武藝 文武足相濟

然後得光大 亂曰 高則亢 滿則盈 亢必危 盈必傾

去危傾 守以平 沖則久 濁能清 混文武 順天經

晉宣文舞歌二篇 傅玄造

羽籥舞歌

羲皇之初 天地開元 網罟禽獸 群黎以安 神農教耕 群

創業誠難 民得粒食 澹然無所患 黃帝始征伐

萬品造其端 軍駕無常居 是曰軒轅 軒轅既勤止

堯舜匪荒寧 夏禹治水 湯武又用兵 孰能保安逸

坐致太平 聖皇邁乾乾 天下興頌聲 穆穆且明明

惟聖皇 道化彰 澍四海 清三光 萬機理 庶事康

潛龍升 儀鳳翔 風雨時 物繁昌 却走馬 降瑞祥

揚仄陋 簡忠良 百祿是荷 眉壽無疆

羽鐸舞歌

昔在渾成時 兩儀尚未分 陽升坐清景 陰降興浮雲  
中和含氛氲 萬物各異群 人倫得其序 衆生樂聖君  
三統繼五行 然後有質文 皇王殊運代 治亂亦繽紛  
伊大晉 德兼往古 越犧農 邈舜禹 參天地 陵三五  
禮唐周 樂韶武 豈唯簫韶 六代具舉 澤霑地境  
化充天寓 聖明臨朝 元凱作輔 普天同樂胥 浩浩元氣  
遐哉大清 五行流邁 日月代征 隨時變化 庶物乃成  
聖皇繼天 光濟群生 化之以道 萬國咸寧 受茲介福  
延于億齡

晉宗廟歌十一篇

傅玄造

我夕我牲 猗歎敬止 嘉參孔時 供茲享祀 神鑒厥誠

博碩斯歆

祖考降饗

以虞孝孫之心

右祠廟夕牲歌

嗚呼悠哉

日鑿在茲

以時享祀

神明降之

神明斯降

既祐享之

祚我無疆

受天之祐

赫赫太上

巍巍聖祖

明明烈考

丕承繼序

右祠廟迎送神歌

經始宗廟

神明戾止

申錫無疆

祗承享祀

假哉皇祖

綏于孫子

燕及後昆

錫茲繁祉

右祠征西將軍登歌

嘉樂肆庭

薦祀在堂

皇皇宗廟

乃祖先皇

濟濟辟公

相于烝嘗

享祀不忒

降福穰穰

右祠豫章府君登歌

於邈先后 實司于天 顯矣皇祖 帝祉肇臻 本支克昌  
資始開元 惠我無疆 享祀永年

右祠穎川府君登歌

於惟曾皇 顯顯令德 高明清亮 匪競柔克 保乂命祐

基命惟則 篤生聖祖 光濟四國

右祠京兆府君登歌

於鑠皇祖 聖德欽明 勤施四方 夙夜敬止 載敷文教

載揚武烈 匡定社稷 龔行天罰 經始大業 造創帝基

畏天之命 于時保之

右祠宣皇帝登歌

執競景皇 克明克哲 旁作穆穆 惟祗惟畏 纂宣之緒

耆定厥功 登此雋乂 糾彼群凶 業業在位 帝既勤止

維天之命 於穆不已

右祠景皇帝登歌

於皇時晉 允文文皇 聰明叡智 聖敬神武 萬機莫綜

皇斯清之 虎兕放命 皇斯平之 柔遠能邇 簡授英賢

創業垂統 勳格皇天

右祠文皇帝登歌

曰晉是常 享祀時序 宗廟致敬 禮樂具舉 惟其來祭

普天率土 犧樽既奠 清酤既載 亦有和羹 薦羞斯備

蒸蒸永慕 感時興思 登歌奏舞 神樂其和 祖考來格

祐我邦家 敷天之下 罔不休嘉

肅肅在位 濟濟臣工 四海來格 禮儀有容 鐘鼓振

管絃理 舞開元 歌永始 神胥樂兮 肅肅在位

臣工濟濟 小大成敬 上下有禮 理管絃 振鼓鐘

舞象德 歌詠功 神胥樂兮 肅肅在位 有來雍雍

穆穆天子 相惟辟公 禮有儀 樂有則

右祠廟饗神歌二篇

晉江左宗廟歌十三篇 曹毗造十一首 王珣造二首

歌高祖宣皇帝 曹毗造

於赫高祖 德協靈符 應運撥亂 釐整天衢 勳格宇宙

化動八區 肅以典刑 陶以玄珠 神石吐瑞 靈芝自敷

肇基天命 道均唐虞

歌世宗景皇帝

景皇承運 纂隆洪緒 皇維重抗 天暉再舉 蠢矣二寇

擾我揚楚 乃整元戎 以膏齊斧 疊疊神算 赫赫王旅

鯨鯢既平 功冠帝宇

歌太祖文皇帝

太祖齊聖 王猷誕融 仁教四塞 天基累崇 皇室多難

嚴清紫宮 威厲秋霜 惠過春風 平蜀夷楚 以文以戎

奄有參墟 聲流無窮

歌世祖武皇帝

於穆武皇 允龔欽明 應期登神 龍飛紫庭 百揆時序

聽斷以情 殊域既賓 偽吳亦平 晨流甘露 宵映明星

野有擊壤 路坐頌聲

歌中宗元皇帝

運屯百六 天羅解貫 元皇勃興 網籠江漢 仰齊七政

俯平禍亂 化若風行 澤猶雨散 淪光更耀 金輝復煥

德冠千載 蔚有餘粲

歌肅祖明皇帝

明明肅祖 闡弘帝作祚

英風夙發

清暉載路

姦逆縱忒

祚晉志

罔式皇度 躬振朱旗

遂豁天步

宏猷淵塞

高羅雲布

品物咸寧 洪基永固

歌顯宗成皇帝

於休顯宗 道澤玄播

式宣德音

暘物以和

邁德蹈仁

匪神弗過 敷以純風

濯以清波

連理映阜

鳴鳳棲柯

同規放勛 義蓋山河

歌康皇帝

康皇穆穆 仰嗣洪德

為而不宰

雅音四塞

閑邪以誠

鎮物以默 威靜區宇

道宣邦國

歌孝宗穆皇帝

孝宗夙哲 休音允臧

如彼晨離

耀景扶桑

垂訓華幄

流潤八荒 幽贊玄妙

爰該典章

西平僭蜀

北靜舊疆

高猷遠暘 朝有遺芳

歌哀皇帝

於穆哀皇 聖心虛遠

雅好玄古

大庭是踐

道尚無為

治存易簡 化若風行

民猶草偃

雖曰登遐

徽音彌闡

悒悒雲韶 盡美盡善

歌太宗簡文皇帝

王珣造

皇矣簡文 於昭于天

靈明若神

周淡如淵

沖應其來

實與其遷 媿媿心化

日用不言

易而有親

簡而可傳

觀流彌遠 求本愈玄



歌烈宗孝武皇帝

王珣造

天鑑有晉

欽哉烈宗

同規文考

玄默允龔

威而不猛

約而能通

神鈺一震

九域來同

道積淮海

雅頌自東

氣陶淳露

化協時雍

四時祠祀歌

曹毗造

肅肅清廟

巍巍聖功

萬國來賓

禮儀有容

鐘鼓振

金石熙

宣兆祚

武開基

神斯樂兮

理管絃

有來斯和

說功德

吐清歌

神斯樂兮

洋洋玄化

潤被九壤

民無不悅

道無不往

禮有儀

樂有式

詠九功

永無極

神斯樂兮

宋宗廟登歌八篇

王韶之造

綿綿遐緒

昭明載融

漢德未遠

堯有遺風

於穆皇祖

永世克隆

本枝惟慶

貽厥靡窮

右祠北平府君登歌

乃立清廟

清廟肅肅

乃備禮容

禮容穆穆

顯允皇祖

昭是嗣服

錫茲繁祉

聿懷多福

右祠相國掾府君登歌

四縣既序

簫管既舉

堂獻六瑚

庭舞八羽

先王有典

克禋皇祖

丕顯洪烈

永介休祐

右祠開封府君登歌

鐘鼓嗶嗶

威儀將將

溫恭禮樂

敬享曾皇

邁德垂仁

係軌重光

天命純嘏

惠我無疆

右祠武原府君登歌

鑠矣皇祖

帝度其心

永言配命

播茲徽音

思我茂猷

如玉如金 駿奔在陛 是鑑是歆

右祠東安府君登歌

蒸哉孝皇 齊聖廣淵 發祥誕慶 景胙自天 德敷金石

道被管弦 有命既集 徽風永宣

右祠孝皇帝登歌

惟天有命 眷求上哲 赫矣聖武 撫運桓撥 功竝敷土

道均汝墳 止戈曰武 經緯稱文 烏龍失紀 雲火代名

受終改物 作我宋京 至道惟王 大業有劭 降德兆民

升歌清廟

右祠高祖武皇帝登歌

奕奕寢廟 奉璋在庭 笙簫既列 犧象既盈 黍稷匪芳

明祀惟馨 樂具禮充 潔羞薦誠 神之格思 介以休禎

濟濟群辟 永觀厥成

右祠七廟享神登歌 并以歌章 太后篇

世祖孝武皇帝歌 謝莊造

帝錫二祖 長世多祜 於穆叡考 襲聖承矩 玄極弛馭

乾紐隆緒 闢我皇維 締我宋宇 刷定四海 肇構神京

復禮緝樂 散馬墮城 澤物九有 化浮八瀛 慶雲承掖

甘露飛蕙 肅肅清廟 徽徽闕宮 舞蹈象德 笙磬陳風

黍稷非盛 明德惟崇 神其歆止 降福無窮

宣皇太后廟歌

稟祥月輝 毓德軒光 嗣徽媯汭 思媚周姜 母臨萬寓

訓藹紫房 朱絃玉籥 式載瓊芳

晉四箱樂歌三首 傅玄造

天鑿有晉 世祚聖皇 時齊七政 朝此萬方其一

鐘鼓斯震 九賓備禮 正位在朝 穆穆濟濟其二

煌煌三辰 寔麗于天 君后是象 威儀孔虔其三

率禮無愆 莫匪邁德 儀形聖皇 萬邦惟則其四

右天鑿四章章四句正旦大會行禮歌

於赫明明 聖德龍興 三朝獻酒 萬壽是膺 敷佑四方

如日之升 自天降祚 元吉有徵

右於赫一章八句上壽酒歌

天命大晉 載育群生 於穆上德 隨時化成其一

自祖配命 皇皇后辟 繼天創業 宣文之績其二

丕顯宣文 先知稼穡 克恭克儉 足教足食其三

既教食之 弘濟艱難 上帝是祐 下民所安其四

天祐聖皇 萬邦來賀 雖安勿安 乾乾匪暇其五

乃正丘郊 乃定冢社 虞虞作宗 光宅天下其六

惟敬朝饗 爰奏食舉 盡禮供御 嘉樂有序其七

樹羽設業 笙鏞以閒 琴瑟齊列 亦有箎塤其八

嗶嗶鼓鐘 鎗鎗磬管 八音克諧 載夷載簡其九

既夷既簡 其大不禦 風化潛興 如雲如雨其十

如雲之覆 如雨之潤 聲教所暨 無思不順其十一

教以化之 樂以和之 和而養之 時惟邕熙其十二

禮慎其儀 樂節其聲 於鑠皇絲 既和且平其十三

右天命十三章章四句食舉東西箱歌

晉正德大豫二舞歌二篇 傅玄造

天命有晉 光濟萬國 穆穆聖皇 文武惟則 在天斯正

在地成德 載韜政刑 載崇禮教 我敷玄化 臻于中道

右正德舞歌

於鑠皇晉 配天受命 熙帝之光 世德惟聖 嘉樂大豫  
保祐萬姓 淵兮不竭 冲而用之 先天弗違 虔奉天時

右大豫舞歌

晉四箱樂歌十七篇 荀勗造

正旦大會行禮歌四篇

於皇元首 群生資始 履端大亨 敬御繁祉 肆覲群后

爰及卿士 欽順則元 允也天子

於皇一章八句 當於赫

明明天子 臨下有赫 四表宅心 惠浹荒貊 柔遠能邇

孔淑不逆 來格祁祁 邦家是若

明明一章八句 當魏魏

光光邦國 天篤其祐 丕顯哲命 顧柔三祖 世德作求

奄有九土 思我皇度 彝倫攸序

邦國一章八句 當洋洋

惟祖惟宗 高朗緝熙 對越在天 駿惠在茲 聿求厥成

我皇崇之 式固其猶 往敬用治

祖宗一章八句 當鹿鳴

正旦大會王公上壽酒歌一篇

踐元辰 延顯融 獻羽觴 祁令終 我皇壽而隆

我皇茂而嵩 本枝奮百世 休祚鍾聖躬

踐元辰一章八句 當鷦行

食舉樂東西箱歌十二篇

煌煌七耀 重明交暢 我有嘉賓 是應是貺 邦政旣圖  
接以大饗 人之好我 式遵德讓

煌煌一章八句 當鹿鳴

賓之初筵 藹藹濟濟 旣朝乃宴 以洽百禮 頒以位敘  
或延或陞 登儼台安 亦有兄弟 胥子陪寮 憲茲度楷  
觀頤養正 降福孔偕

賓之初筵一章十二句 當於穆

昔我三后 大業是維 今我聖皇 焜耀前暉 奕世重規  
明照九畿 思輯用光 時罔有違 陟禹之跡 莫不來威  
天被顯祿 福履是綏

三后一章十二句 當昭昭

赫矣太祖 克廣明德 廓開宇宙 正世立則 變化不經

民無瑕慝 勅業垂統 兆我晉國

赫矣一章八句 當華華

烈文伯考 時惟帝景 夷險平亂 威而不猛 御衡不迷  
皇塗煥炳 七德咸宣 其寧惟永

烈文一章八句 當朝宴

猗歟盛歟 先皇聖文 則天作孚 大哉為君 慎徽五典  
帝載是勲 文武發揮 茂建嘉勳 修已濟治 民用寧殷  
懷遠燭幽 玄教氛氲 善世不伐 服事參分 德博化隆  
道冒無垠

猗歟一章十六句 當盛德

隆化洋洋 帝命溥將 登我晉道 越惟聖皇 龍飛革運  
臨燾八荒 叡哲欽明 配蹤虞唐 封建厥福 駿發其祥

三朝習吉 終然允臧 其臧惟何 總彼萬方 元侯列辟  
四嶽蕃王 時見世享 率茲有常 旅揖在庭 嘉客在堂  
宋衛既臻 陳留山陽 我有賓使 觀國之光 貢賢納計  
獻璧奉璋 保佑命之 申錫無疆

隆化一章二十八句

當綏萬邦

振鷺于飛 鴻漸其翼 京邑穆穆 四方是式 無競惟人  
王綱允敷 君子來朝 言觀其極

振鷺一章八句

當朝朝

翼翼大君 民之攸暨 信理天工 惠康不匱 將遠不仁  
訓以淳粹 幽明有倫 俊乂在位 九族既睦 庶邦順比  
開元布憲 四海鱗萃 協時正統 殊塗同致 厚德載物  
靈心隆貴 敷奏讜言 納以無諱 樹之典象 誨之義類

上教如風 下應如卉 一人有慶 群萌以遂 我后宴喜  
令聞不墜

翼翼一章二十六句

當順天

既宴既喜 翁是萬邦 禮儀卒度 物有其物 哲哲庭燎  
嗶嗶鼓鐘 笙磬詠德 萬舞象功 八音克諧 俗易化從  
其和如樂 庶品時邕

既宴一章十二句

當陟天庭

時邕份份 六合同塵 往我祖宣 威靜如鄰 首定荆楚  
遂平燕秦 媿媿文皇 邁德流仁 爰造輝昧 應乾順民  
靈瑞告符 休徵饗震 天地弗違 以和神人 既戡庸蜀  
吳會是賓 肅慎率職 楛矢來陳 韓濊進藥 均協清鈞  
西旅獻葵 扶南效珍 蠻裔重譯 玄齒文身 我皇撫之

景命惟新

時邕一章二十六句

當參兩儀

愔愔嘉會

有聞無聲

清酤既奠

遵豆既馨

禮充樂備

簫韶九成

愷樂飲酒

酣而不盈

率土歡豫

邦國以寧

王猷允塞

萬載無傾

嘉會一章十二句

晉正德大豫二舞歌一篇

荀勗造

人文壘則

盛德有容

聲以依詠

舞以象功

千戚發揮

節以笙鏞

羽籥雲會

翊宣令蹤

敷美盡善

允協時邕

煥炳其章

光乎萬邦

萬邦洋洋

承我晉道

配天作享

元命有造

上化如風

民應如響

穆穆斌斌

形于綴兆

文武旁作

慶流四表

無競維烈

永世是紹

正德舞歌

豫順以動

大哉惟時

時邁其仁

世載邕熙

兆我區夏

宣文是基

大業惟新

我皇降之

重光累曜

欽明文思

迄用有成

惟晉之祺

穆穆聖皇

受命既固

品物咸寧

芳烈雲布

文教旁通

篤以淳素

玄化洽暢

被之暇豫

作樂崇德

同美韶護

濬邈幽遐

式遵王度

右大豫舞歌

晉四箱樂歌十六篇

張華造

稱元慶

奉壽觴

后皇延遐祚

安樂撫萬方

右王公上壽詩一章

明明在上

丕顯厥繇

翼翼三壽

蕃后惟休

群生漸德

六合承流

三正元辰 朝慶鱗萃 華夏奉職貢 八荒覲殊類

徽冕充廣庭 鳴玉盈朝位 濟濟朝位 言觀其光

儀序既以時 禮文渙以彰 思皇享多祐 嘉樂永無央

九賓在庭 臚讚既通 升瑞奠贄 乃侯乃公

穆穆天尊 隆禮動容 履端承元吉 介福御萬邦

朝享 上下咸雍 崇多儀 繁禮容 舞盛德 歌九功

揚芳烈 播休蹤 皇化治 洞幽明 懷柔百神 輯祥禎

潛龍躍 雕虎仁 儀鳳鳥 屆游麟 枯蠹榮 竭泉流

茵芝茂 枳棘柔 和氣應 休徵絃 協靈符 彰帝期

綏宇宙 萬國和 昊天成命 賚皇家 賚皇家 隆王基

世資聖哲 三后在天 啓鴻烈 啓鴻烈 隆王基

率土謳吟 欣戴于時 恒文示象 代氣著期

泰始開元 龍斜在位 四隩同風 變寧殊類 五躔來備

嘉生以遂 疑庶績 臻大康 申繁祉 胤無疆 本枝百世

繼緒不忘 繼緒不忘 休有烈光 永言配命 惟晉之祥

聖明統世 篤皇仁 廣大配天地 順動若陶鈞

玄化參自然 至德通神明 清風暢八極 流澤被無垠

於皇時晉 奕世齊聖 惟天降嘏 神祇保定 弘濟區夏

允集大命 有命既集 光帝猷 大明重耀 鑑六幽

聲教洋溢 惠滂流 惠滂流 移風俗 多士盈朝

賢俊比屋 敦世心 斷彫反素樸 反素樸 懷庶方

干戚舞階庭 疏狄說遐荒 扶南假重譯 肅慎襲衣裳

雲覆雨施 德洽無疆 旁作穆穆 仁化翔



朝元日 賓王庭 承宸極 當盛明 衍和樂 竭祇誠  
仰嘉惠 懷德馨 游淳風 泳淑清 協億兆 同歡榮  
建皇極 統天位 運陰陽 御六氣 殷群生 成性類  
王道浹 治功成 人倫序 俗化清 虔明祀 祇三靈  
崇禮樂 式儀形  
慶元吉 宴三朝 播金石 詠泠簫 奏九夏 舞雲韶  
邁德音 流英聲 八紘一 六合寧 六合寧 承聖明  
王澤洽 道登隆 綏函夏 摠華戎 齊德教 混殊風  
混殊風 康萬國 崇夷簡 尚敦德 弘王度 表遐則  
右食舉東西箱樂詩十一章  
於赫皇祖 迪哲齊聖 經緯大業 基天之命 克開洪緒  
誕篤天慶 旁濟彝倫 仰齊七政

烈烈景皇 克明克聰 靜封略 定勳功 成民立政  
儀形萬邦 式固崇軌 光紹前蹤  
允文烈考 濬哲應期 參德天地 比功四時 大亨以正  
庶績咸熙 肇啓晉宇 遂登皇基  
明明我后 玄德通神 受終正位 協應天人 容民厚下  
育物流仁 躋我王道 暉光日新  
右雅樂正旦大會行禮詩四章  
晉正德大豫二舞歌二篇 張華造

正德舞歌詩

日皇上天 玄鑒惟光 神器周回 五德代章 祚命于晉  
世有哲王 弘濟區夏 甄陶萬方 大明垂曜 旁燭無疆  
蚩蚩庶類 風德永康 皇道惟清 禮樂斯經 金石在縣

萬舞在庭 象容表慶 協律被聲 軼武超濩 取節六英  
同進退讓 化漸無形 大和宣洽 通于幽冥

大豫舞歌詩

惟天之命 符運有歸 赫赫大晉 三后重暉 繼明昭世  
光撫九圍 我皇紹期 遂在璿璣 群生屬命 奄有庶邦  
慎徽五典 玄教遐通 萬方同軌 率土咸雍 爰制大豫  
宣德舞功 淳化既穆 王道協隆 仁及輶木 惠加昆蟲  
億兆夷人 說仰皇風 丕顯大業 永世彌崇

晉四箱歌十六篇 成公綏造

上壽酒 樂未央 大晉應天慶 皇帝永無疆

右詩一章王公上壽酒所用

穆穆天子 光臨萬國 多士盈朝 莫匪俊德 流化罔極

王猷允塞 嘉會置酒 嘉賓充庭 羽旄耀辰極 鐘鼓振泰清

百辟朝三朝 或或明儀形 濟濟鏘鏘 金振玉聲

禮樂具 宴嘉賓 眉壽祚聖皇 景福惟日新

群后戾止 有來雝雝 獻酬納贄 崇此禮容 豐肴萬俎

旨酒千鐘 嘉樂盡樂宴 福祿咸攸同

樂哉 天下安寧 道化行 風俗清 簫韶作 詠九成

年豐穰 世泰平 至治哉 樂無窮 元首聰明 股肱忠

澍豐澤 揚清風 靈應彰 麒麟見 鳳皇翔 醴泉涌 流中唐

嘉禾生 穗盈箱 降繁祉 祚聖皇 承天位 統萬國

受命應期 授聖德 四世重光 宣開洪業 景克昌 文欽明

德彌彰 肇啓晉邦 流祚無疆

德彌彰 肇啓晉邦 流祚無疆

泰始建元 鳳皇龍興 龍興伊何 享祚萬乘 奄有八荒  
化育黎蒸 圖書煥炳 金石有徵 德光大昌 道熙隆  
被四表 格皇穹 奕奕萬嗣 明明顯融  
高朗令終 保茲永祚 與天比崇 聖皇居四海 順人應天期  
三葉合重光 泰始開洪基 明耀參日月 功化侔四時  
宇宙清且泰 黎庶咸離熙 善哉離熙 載德彌盛 總齊璿璣  
惟天降命 翼仁祐聖 於穆三皇 載德彌盛 總齊璿璣  
光統七政 百揆時序 化若神聖  
四海同風 興至仁 濟民育物 擬陶鈞  
垂惠潤 皇皇群賢 峨峨英雋 德化宣 芬芳播來胤  
播來胤 垂後昆  
清廟何穆穆 皇極闢四門 皇極闢四門 萬機無不綜

綜

媿媿翼翼 樂不及荒 饑不遑食 大禮既行 樂無極  
登崑崙 上增城 乘飛龍 升泰清 冠日月 佩五星  
揚虹蜺 建彗旌 披慶雲 蔭繁榮 覽八極 游天庭  
順天地 和陰陽 序四氣 耀三光 張帝網 正皇綱  
播仁風 流惠康 邁洪化 振靈威 懷萬方 納九夷  
朝聞闔 宴紫微  
建五旗 羅鐘虬 列四縣 奏韶武 鏗金石 揚旌羽  
縱八佾 巴渝舞 詠雅頌 和律呂 于胥樂 樂聖主  
化蕩蕩 清風泄 總英雄 御俊傑 開宇宙 埽四裔  
光緝熙 美聖哲 超百代 揚休烈 流景祚 顯萬世  
皇皇顯祖 翼世佐時 寧濟六合 受命應期 神武膺揚  
大化咸熙 廓開皇衢 用成帝基

光光景皇 無競維烈 匡時拯俗 休功益世 宇宙既康  
九域有截 天命降監 啓祚明哲 實天生德 誕膺靈運 肇建帝業  
穆穆烈考 克明克儁 載德奕世 垂慶洪胤 與靈合契 通德幽玄 仰化清雲  
開國有晉 龍飛在天 受靈之祐 於萬斯年 俯育重淵 右雅樂正旦大會行禮詩十五章

宋四箱樂歌五篇 王韶之造

於鑠我皇 禮仁包元 齊明日月 比量乾坤 陶甄百王  
稽則黃軒 訏謨定命 辰告四蕃 明發來朝 饗以八珍  
將將蕃后 翼翼群僚 盛服待晨 仰祇天顏 厥猷孔昭  
樂以九韶

法章既設 初筵長舒 濟濟列辟 端委皇除 飲和無盈  
威儀有餘 溫恭在位 敬終如初 宣道以詩 穆矣大和  
九功既歌 六代惟時 被德在樂 品物咸熙 慶積自遠 告成在茲

右肆夏樂歌四章

客於四箱振作於鑠曲皇帝當陽四箱振作將將曲皇帝入變服四箱振作於鑠將將二曲又黃鐘太簇二箱作法章九功

曲二

大哉皇宋 長發其祥 纂系在漢 統源伊唐 德之克明  
休有烈光 配及作極 辰居四方 誕授休禎 龍飛紫極  
皇矣我后 聖德通靈 有命自天 赫赫明明  
造我宋京 光宅宇宙 赫赫明明

右大會行禮歌二章

姑洗

獻壽爵 慶聖皇 靈祚窮二儀 休明等三光

右王公上壽歌一章 黃鐘 箱作

明明大宋 緝熙皇道 則天垂化 光定天保 天保既定

肆觀萬方 禮繁樂富 穆穆皇皇

沔彼流水 朝宗天池 洋洋貢職 抑抑威儀 既習威儀

亦閑禮容 一人有則 作孚萬邦

烝哉我皇 固天誕聖 履端惟始 對越休慶 如天斯久

如日斯盛 介茲景福 永固駿命

右殿前登歌三章別有金石

晨羲載耀 萬物咸覩 嘉慶三朝 禮樂備舉 元正肇始

典章暉明 萬方畢來賀 華裔充皇庭 多士盈九位

俯仰觀玉聲 恂恂俯仰 載爛其輝 鼓鐘震天區

禮容塞皇闈 思樂窮休慶 福履同所歸

五玉既獻 三帛是薦 爾公爾侯 鳴玉華殿 皇皇聖后

降禮南面 元首納嘉禮 萬邦同歡願 休哉 君臣嘉燕

建五旗 列四縣 樂有文 禮無倦 融皇風 窮一變

體至和 感陰陽 德無不柔 繁休祥 瑞徽璧 應嘉鐘

舞靈鳳 躍潛龍 景星見 甘露墜 木連理 禾同穗

玄化洽 仁澤敷 極禎瑞 窮靈符

懷荒裔 綏齊民 荷天祐 靡不賓 靡不賓 長世弘盛

昭明有融 繁嘉慶 繁嘉慶 熙帝載 合氣成和

蒼生欣戴 三靈協瑞 惟新皇代

王道四達 流仁布德 窮理詠乾元 垂訓順帝則

靈化侔四時 幽誠通玄默 德澤被八紘 乾寧軌萬國

皇猷緝 咸熙泰 禮儀煥帝庭 要荒服遐外 被髮襲纓冕

左衽回衿帶 天覆地載 流澤汪濊 聲教布護 德光大在

開元辰 畢來王 奉貢職 朝后皇 鳴珩佩 觀典章

樂王度 說徽芳 陶盛化 游太康 丕昭明 永克昌

惟永初 德丕顯 齊七政 敷五典 彝倫序 洪化闡

王澤流 太平始 樹聲教 明皇紀 和靈祇 恭明祀

行景祚 膺嘉祉

禮有容 樂有儀 金石陳 牙羽施 邁武護 均咸池

歌南風 舞德稱 文武煥 頌聲興

王道純 德彌淑 寧八表 康九服 道禮讓 移風俗

移風俗 永克融 歌盛美 造成功 詠徽烈 邈無窮

右食舉歌十章

黃鐘太簇二箱更作黃鐘作晨義體至和王道開元辰禮有容五曲太簇作五五懷荒裔皇猷緝惟永初王道純王曲

宋前舞後舞歌二篇 王韶之造

於赫景明 天監是臨 樂來伊陽 禮作惟陰 歌自德富

舞由功深 庭列宮縣 陛羅瑟琴 翻籥繁會 笙磬諧音

簫韶雖古 九成在今 道志和聲 德音孔宣 光我帝基

協靈配乾 義形六合 化穆自然 如彼雲漢 為章于天

熙熙萬類 陶和當年 擊轅中韶 永世弗騫

右前舞歌一章

晉正德之舞 裝賓箱作

假樂聖后 寔天誕德 積美自中 王猷四塞 龍飛在天

儀形萬國 欽明惟神 臨朝淵默 不言之化 品物咸德

告成于天 銘勳是勒 翼翼厥猶 媿媿其仁 順命初制

因定和神 海外有截 九圍無塵 冕塗司契 壘拱臨民

乃舞大豫 欽若天人 純嘏孔休 萬載彌新

右後舞歌一章

晉大豫之舞 裝賓箱作

章廟舞樂歌詞雜歌悉同用太廟詞唯三后別撰

殷淡造

賓出入奏肅成樂歌詞二章

彝承孝典 恭事嚴聖 浹天奉費 罄壤齊慶 司儀具序

羽容夙彰 分枝颺烈 黼構周張 助寶奠軒 耐珍充庭

璆縣凝會 涓朱竚聲 先期選禮 肅若有承 祗對靈祉

皇慶昭膺

尊事威儀 暉容昭敘 迅恭神明 梁盛牲俎 肅肅嚴宮

藹藹崇基 皇靈降祉 百祇具司 戒誠望夜 端列承朝

依微昭旦 物色輕宵 鴻慶遐邇 嘉慶令芳 翊帝明德

永祚流光

牲出入引牲樂歌詞

維誠潔饗 維孝奠靈 敬芬黍稷 敬滌犧牲 駢繭在參

載溢載豐 以承宗祀 以肅皇衷 蕭芳四舉 華火周傳

神監孔昭 嘉是柔牲

麋豆呈毛血奏嘉慶樂歌詞

肇禋戒祀 禮容咸舉 六典飾文 九司昭序 牲柔既昭

儀剛既陳 恭滌惟清 敬事惟神 加籩再御 兼俎重慶

節動軒越 聲流金縣 奕奕闕幄 媿媿嚴闈 潔誠夕鑑

端服晨暉 聖靈戾止 翊我皇則 上綏四寓 下洋萬國

永言孝饗 孝饗有容 儉僚贊列 肅肅雝雝

右夕牲歌詞

迎神奏韶夏樂歌詞

闕宮黝黝 復殿微微 璿除肅炤 釭壁彤輝 黼帘神凝

玉堂嚴馨 園火夕耀 方水朝清 金枝委樹 翠銜竚縣

淳波澄宿 華漢浮天 恭事既夙 虔心有慕 仰降皇靈  
俯寧依胙

皇帝入廟北門奏永至樂歌詞

皇明曾矣 孝容以昭 鑾華羽邈 拂漢涵瀉 申申嘉夜

翊翊休朝 行金景送 步玉風韶 師承祀則 肅對禋祧

太祝裸地奏登歌樂詞二章

帝容承祀 練時涓日 九重徹闕 四靈賓室 肅倡函音

庶旄委佾 休靈告饗 嘉薦尚芬 玉瑚飾列 桂簋昭陳

具司選禮 翼翼振振

裸崇祀典 耐恭孝時 禮無爽物 信靡媿詞 精華孚鬯

誠監昭通 升歌翊節 下管調風 皇心履變 敬明尊親

大哉孝德 至矣交神

章皇太后神室奏章德凱容之樂舞歌詞

幽瑞浚靈 表彰嬪聖 翊載徽文 敷光崇慶 上緯纏祥

中維節詠 永屬輝猷 聯昌景命

昭皇太后神室奏昭德凱容之樂舞歌詞

明帝造

表靈躔象 績儀緯風 膺華丹耀 登瑞紫穹 訓形霄宇

武彰宸宮 騰芬金會 寫德聲容

宣皇太后神室奏宣德凱容之樂舞歌詞

明帝造

天樞凝耀 地紐儷輝 聯光騰世 炳慶翔機 薰藹中寓

景纏上微 玉頌鏤德 金籥傳徽

皇帝還東壁受福酒奏嘉時之樂舞詞



禮慶洽

福時昌

皇聖膺嘉祐

帝業凝休祥

居極乘景運

宅德瑞中王

澄明臨四表

精華延八鄉

洞海周聲惠

徹寓麗乾光

靈慶纏世祉

鴻烈永無疆

送神奏昭夏之樂舞歌詞二章

大孝備

盛禮豐

神安留

嘉樂充

旋駕聳

汎青穹

延八虛

闕四空

藹流景

肅行風

昭融教

緝風度

戀皇靈

結深慕

解羽縣

輟華樹

背璿除

端玉輅

流汪濺

慶國步

皇帝詣便殿奏休成之樂歌詞

醴醴具登

嘉俎咸薦

饗洽誠陳

禮周樂徧

祝詞罷裸

序容輟縣

蹕動端庭

鑿回嚴殿

神儀駐景

華漢亭虛

八靈案衛

三祗解途

翠蓋耀澄

畢奕疑震

玉鑣息節

金輅懷音

式誠遠孝

底心肅感

追憑皇鑒

思承淵範

神錫懋祉

四緯昭明

仰福帝徽

俯齊庶生

志第十

宋書二十

宋書卷二十 志第十終

西川忠鳳  
氏肅南南

宋書卷二十一

西川忠鳳  
氏肅南南

志第十一

宋書二十一

樂三

但歌四曲出自漢世無弦節作伎最先一人倡三人和魏武帝尤好之時有宋容華者澈清好聲善倡此曲當時特妙自晉以來不復傳遂絕相和漢舊歌也絲竹更相和執節者歌本一部魏明帝分為二更遞夜宿本十七曲朱生業識削和等復合之為十三曲相和

駕六龍

氣出倡

武帝詞

駕六龍乘風而行行四海外路下之八邦歷登高山臨谿谷乘雲而行行四海外東到泰山仙人玉女下來翱翔驂駕六龍飲玉漿河水盡不東流解愁腹飲玉漿奉持行東到蓬萊山上至天之門

玉關下引見得入赤松相對四面顧望視正焜煌開王心正與其  
氣百道至傳告無窮閉其口但當愛氣壽萬年東到海與天連神  
仙之道出竊入冥常當專之心恬憺無所惕欲閉門坐自守天與  
期氣願得神之人乘駕雲車驂駕白鹿上到天之門來賜神之藥  
跪受之敬神齊當如此道自來華陰山自以為大高百丈浮雲為  
之蓋仙人欲來出隨風削之雨吹我洞簫鼓瑟琴何閤閤酒與歌  
戲今日相樂誠為樂玉女起起儻移數時鼓吹一何嘈嘈從西北  
來時仙道多駕煙乘雲駕龍鬱何務務遨遊八極乃到崑崙之山  
西王母側神仙金止玉亭來者為誰赤松王喬乃德旋之門樂共  
飲食到黃昏多駕合坐萬歲長宜子孫

游君山甚為真確礧砢爾自為神乃到王母臺金階玉為堂芝  
草生殿傍東西廂客滿堂主人當行觴坐者長壽遽何央長樂甫  
始宜孫子常願主人增年與天相守

厥初生

精削

武帝詞

厥初生造化之陶物莫不有終期莫不有終期聖賢不能免何為  
懷此憂願螭龍之駕思想崑崙居思想崑崙居見期於迂怪志意  
在蓬萊志意在蓬萊周孔聖祖落會稽以墳丘會稽以墳丘陶陶  
誰能度君子以弗憂年之暮奈何過時時來微

江南可採蓮

江南

古辭

江南可採蓮蓮葉何田田魚戲蓮葉間魚戲蓮葉東魚戲蓮葉西  
魚戲蓮葉南魚戲蓮葉北

天地間

度關山

武帝辭

天地間人為貴立君牧民為之軌則車轍馬迹經緯四極紬陟幽  
明黎庶繁息於鑠賢聖總統邦域封建五爵井田刑獄有燔丹書

無普赦贖臯陶甫刑何有失職嗟哉後世改制易律勞民爲君役  
賦其力舜漆食器暉者十國不及唐堯採椽不斲世歎伯夷欲以  
厲俗侈惡之大儉爲恭德許由推讓豈有訟曲兼愛尚同疏者爲  
戚

畔

東光乎

東光乎

古辭

東光乎倉梧何不乎倉梧多腐粟無益諸軍糧諸軍游蕩子蚤行  
多悲傷

登山有遠望

十五

文帝詞

登山而遠望谿谷多所有梗柎千餘尺衆草之盛茂華葉耀人目  
五色難可紀雉雉山雞鳴虎嘯谷風起號罷當我道狂顧動牙齒  
惟漢二十二世  
龕露  
武帝詞  
惟漢二十二世所任誠不良沐猴而冠帶智小而謀強猶豫不敢

斷因狩執君王白虹爲貫日已亦先受殃賊臣持國柄殺主滅宇  
京蕩覆帝基業宗廟以燔喪播越西遷移號泣而且行瞻彼洛城  
郭微子爲哀傷

京

關東有義士

蒿里行

武帝詞

關東有義士興兵討群凶初期會孟津乃心在咸陽軍合力不齊  
躊躇而鴈行勢利使人爭嗣還自相戕淮南弟稱號刻璽於北方  
鎧甲生蟣蝨萬姓以死亡白骨露於野千里無雞鳴生民百遺一

念之絕人腸

對酒

武帝詞

對酒歌太平時

對酒

武帝詞

對酒歌太平時吏不呼門王者賢且明宰相股肱皆忠良咸禮讓

禮

民無所爭訟三年耕有九年儲倉穀滿盈斑白不負戴雨澤如此  
五穀用成卻走馬以糞其上田爵公侯伯子勇咸愛其民以黜陟

男

幽明子養有若父與兄犯禮法輕重隨其刑路無拾遺之私囹圄  
空虛冬節不斷人耄耄皆得以壽終恩德廣及草木昆蟲  
雞鳴高樹顛報更不雞鳴王莽古詞

雞鳴高樹顛狗吠深宮中蕩子何所之天下方太平刑法非有貸  
柔協正亂名黃金爲君門璧玉爲軒闌堂上有雙尊酒作使邯鄲  
倡劉玉碧青鸞後出郭門王舍後有方池池中雙鴛鴦鴛鴦七十  
二羅列自成行鳴聲何啾啾聞我殿東箱兄弟四五人皆爲侍中  
郎五日一時來觀者滿道傍黃金絡馬頭頰頰何煌煌桃生露井  
上李樹生桃傍蟲來齧桃根李樹代桃僵樹木身相代兄弟還相  
忘

烏生八九子

烏生與秦氏古辭

烏生八九子端坐秦氏桂樹間惜我秦氏家有游遨蕩子工用睢

陽強蘇合彈左手持強彈兩丸出入烏東西惜我一丸卽發中烏  
身烏死魂魄飛揚上天阿母生烏子時乃在南山巖石間惜我人  
民安知烏子處蹊徑窈窕安從通白鹿乃在上林西苑中射工尚  
復得白鹿脯哺惜我黃鵠摩天極高飛後宮尚復得亨煮之鯉魚  
乃在洛水深淵中釣鈎尚得鯉魚口惜我人民生各各有壽命死  
生何須復道前後

平陵東

平陵

古詞

平陵東松柏桐不知何人劫義公劫義公在高堂下交錢百萬兩  
走馬兩走馬亦誠難顧見追吏心中惻心中惻血出漉歸告我家  
賣黃犢

棄故鄉

亦在瑟調東西門行

陌上桑

文帝詞

棄故鄉離室宅遠從軍旅萬里客披荆棘末阡陌側足獨窘步路

局竿虎豹嗥動雞驚禽失群鳴相索登南山奈何蹈槃石樹木叢  
生鬱差錯寢蒿草蔭松柏涕泣雨面霑枕席伴旅單稍稍日零落  
惆悵竊自憐相痛惜

今有人

陌上桑

楚詞鈔

今有人山之阿被服薜荔帶女蘿既含睇又宜笑子戀慕予善窈  
窕乘赤豹從文狸新夷車駕結桂旗被石蘭帶杜衡折芳拔筌遺  
所思處幽室終不見天路險艱獨後來表獨立山之上雲何容容  
而在下杳冥冥羌晝晦東風飄颻神靈雨風瑟瑟木搜搜思念公  
子徒以憂

駕虹蜺

陌上桑

武帝詞

駕虹蜺乘赤雲登彼九疑歷王門濟天漢至崑崙見西王母謁東  
君交赤松及羨門受要祕道愛精神食芝英飲醴泉柱杖桂枝佩

秋蘭絕人事游渾元若疾風游歔飄飄景未移行數千壽如南山  
不忘愆

清商三調歌詩

荀勗撰舊詞施用者

平調

周西

短歌行

武帝詞

六解

周西伯昌懷此聖德參分天下而有其二修奉貢獻臣節不墜崇  
侯讒之是以拘繫一解後見赦原賜之斧鉞得使征伐為仲尼所稱  
達及德行猶奉事殷論敘其美二解齊桓之功為霸之首九合諸侯  
一匡天下一匡天下不以兵車正而不譎其德傳稱三解孔子所歎

并稱夷吾民受其恩賜與廟昨命無下拜小白不敢爾天威在顏  
咫尺四解晉文亦霸躬奉天王受賜珪瓚鉶鬯彤弓盧弓矢千虎賁

三百人

五解

威服諸侯師之者尊八方聞之名亞齊桓河陽之會詐

稱周王是以其名紛葩解六

秋風解 燕歌行文帝詞解七

秋風蕭瑟天氣涼興木搖落露為霜解一群燕辭歸鵠南翔念君客

游多思腸解二慊慊思歸戀故鄉君何淹留寄它方解三賤妾煢煢守

空房憂來思君不敢忘解四不覺淚下霑衣裳援瑟鳴弦發清商解五

短歌微吟不能長明月皎皎照我牀解六星漢西流夜未央牽牛織

女遙相望爾獨何辜限河梁解七

仰瞻短歌行 文帝詞解八

仰瞻帷幕俯察几筵其物如故其人不存解一神靈倏忽棄我遐遷

靡瞻靡恃泣涕連連解二呦呦游鹿銜犂鳴慶翩翩飛鳥挾子巢棲

解三我獨孤煢懷此百離憂心孔疾莫我能知解四人亦有言憂令人

老蒼我四髮生一何早解五長吟永歎懷我聖考曰仁曰壽胡不是

係解六

別日燕歌行 文帝詞解六

別日何易會日難山川悠遠路漫漫解一鬱陶思君未敢言寄書浮

雲往不還解二涕零雨面毀形顏誰能懷憂獨不歎解三耿耿伏枕不

能眠披衣出戶步東西解四展詩清歌聊自寬樂往哀來摧心肝悲

風清厲秋氣寒羅帷徐動經秦軒解五仰戴星月觀雲間飛鳥晨鳴

聲氣可憐留連顧懷不自存解六

對酒短歌行 武帝詞解六

對酒當歌人生幾何譬如朝露去日苦多解一慨當以忼憂思難忘

以何解愁唯有杜康解二青青子衿悠悠我心但為君故沈吟至今

解三明明如月何時可輟憂從中來不可斷絕解四呦呦鹿鳴食野之

萃我有嘉賓鼓瑟吹笙解五山不厭高水不厭深周公吐哺天下歸

心六

清調

晨上

秋胡行

武帝詞

晨上散關山此道當何難晨上散關山此道當何難牛頓不起車  
 墮谷間坐繁石之上彈五弦之琴作為清角韻意中述煩歌以言  
 志晨上散關山解一有何三老公卒來在我傍有何三老公卒來在  
 我傍員揜被裘似非恒人謂卿云何困苦以自怨徨徨所欲來到  
 此間歌以言志有何三老公解二我居崑崙山所謂者真人我居崑  
 崙山所謂者真人道深有可得名山歷觀遨遊八極枕石漱流飲  
 泉沈吟不決遂上升天歌以言志我居崑崙山解三去去不可追長  
 恨相牽攀去去不可追長恨相牽攀夜夜安得寐惆悵以自憐正  
 而不譎辭賦依因經傳所過西來所傳歌以言志去去不可追解四

又本晨二上二散二官二山二此二道二當二何二難二有二何二三二老二公二卒二來二在  
 二我二傍二我二居二崑二崙二山二所二謂二真二二去二不二可二追二長二相二牽二

北上

苦寒行

武帝詞解六

北上太二行二山二艱二哉二何二巍二羊腸坂詰屈車輪為之摧解一樹  
 木何蕭二瑟二北二風二聲二正二悲二熊羆對我蹲虎豹夾道啼解二  
 谿谷少二入二民二雪二落二何二霏二霏二延頸長歎息遠行多所懷  
解三我心何二佛二鬱二思二欲二二東二歸二水深橋梁絕中道正裴  
解四迷惑失二徑二路二暝二無二所二宿二棲二行行日以遠人馬同時  
解五飢儉二囊二行二取二薪二斧二冰二持二作二糜二悲彼東山詩悠悠使  
 我哀解六

願登

秋胡行

武帝詞解五

願二登二泰二華二山二神二入二共二遠二游二經歷崑崙山到蓬萊



飄飄八極與神人俱思得神藥萬歲為期歌以言志願登泰華山

解天<sub>二</sub>地<sub>二</sub>何<sub>二</sub>長<sub>二</sub>久<sub>二</sub>人<sub>二</sub>道<sub>二</sub>居<sub>二</sub>之<sub>二</sub>短<sub>二</sub>世<sub>二</sub>言<sub>二</sub>伯陽<sub>二</sub>殊<sub>二</sub>不知<sub>二</sub>老

赤松王喬亦云得道得之未聞庶以壽考歌以言志天地何長久

解明<sub>二</sub>明<sub>二</sub>日<sub>二</sub>月<sub>二</sub>光<sub>二</sub>何<sub>二</sub>所<sub>二</sub>不<sub>二</sub>光<sub>二</sub>昭<sub>二</sub>儀<sub>二</sub>合<sub>二</sub>聖<sub>二</sub>化<sub>二</sub>貴<sub>二</sub>者<sub>二</sub>獨

人不萬國率土莫非王臣仁義為名禮樂為榮歌以言志明明日

月光<sub>三</sub>解<sub>四</sub>時<sub>二</sub>更<sub>二</sub>逝<sub>二</sub>去<sub>二</sub>晝<sub>二</sub>夜<sub>二</sub>以<sub>二</sub>成<sub>二</sub>歲<sub>二</sub>大人<sub>二</sub>先天<sub>二</sub>而<sub>二</sub>天

弗違不戚年往世憂不治存亡有命慮之為蚩歌以言志四時更

逝去<sub>四</sub>解<sub>戚</sub>戚<sub>二</sub>欲<sub>二</sub>何<sub>二</sub>念<sub>二</sub>歡<sub>二</sub>笑<sub>二</sub>意<sub>二</sub>所<sub>二</sub>之<sub>二</sub>盛<sub>二</sub>壯<sub>二</sub>智<sub>二</sub>慧<sub>二</sub>殊

不再來愛時進趣將以惠誰汜汜放逸亦同何為歌以言志戚戚

欲何念<sub>五</sub>解

上謁 董桃行 古詞<sub>五</sub>解 吾欲上謁從高山山頭危嶮大難遙望五嶽端黃金為闕班璘但

見紫芝葉落紛紛<sub>一</sub>解 百鳥集來如煙山獸紛綸麟碎邪其端鷓雞

聲鳴但見山獸援戲相拘攀<sub>二</sub>解 小復前行玉堂未心懷流還傳教

出門來門外人何求所言欲從聖道求一得命延<sub>三</sub>解 教教凡吏受

言采取神藥若水端白兔長跪擣藥蝦蟇丸奉上陛下<sub>一</sub>玉杵服

此藥可得即仙<sub>四</sub>解 服爾神藥無不歡喜陛下長生老壽四面肅肅

稽首天神攬護左右陛下長與天相保守<sub>五</sub>解

蒲生 塘上行 武帝詞<sub>五</sub>解

蒲<sub>二</sub>生<sub>二</sub>我<sub>二</sub>池<sub>二</sub>中<sub>二</sub>其<sub>二</sub>葉<sub>二</sub>何<sub>二</sub>離<sub>二</sub>離<sub>二</sub>傍<sub>二</sub>能<sub>二</sub>行<sub>二</sub>儀<sub>二</sub>儀<sub>二</sub>莫<sub>二</sub>能<sub>二</sub>縷<sub>二</sub>自<sub>二</sub>知<sub>二</sub>眾<sub>二</sub>口

鑠黃金使君生別離<sub>一</sub>解 念<sub>二</sub>君<sub>二</sub>去<sub>二</sub>我<sub>二</sub>時<sub>二</sub>獨<sub>二</sub>愁<sub>二</sub>常<sub>二</sub>苦<sub>二</sub>悲<sub>二</sub>想<sub>二</sub>見<sub>二</sub>君

顏色感結傷心脾今悉夜夜愁不寐<sub>二</sub>解 莫<sub>二</sub>用<sub>二</sub>豪<sub>二</sub>賢<sub>二</sub>故<sub>二</sub>棄<sub>二</sub>捐

素所愛莫用魚肉貴棄捐蔥與齏莫用麻枲賤棄捐管與蒯<sub>三</sub>解 倍

恩<sub>二</sub>者<sub>二</sub>苦<sub>二</sub>枯<sub>二</sub>蹶<sub>二</sub>船<sub>二</sub>常<sub>二</sub>苦<sub>二</sub>沒<sub>二</sub>教<sub>二</sub>君<sub>二</sub>安<sub>二</sub>息<sub>二</sub>定<sub>二</sub>慎<sub>二</sub>莫<sub>二</sub>致<sub>二</sub>倉<sub>二</sub>卒<sub>二</sub>念<sub>二</sub>與<sub>二</sub>君<sub>二</sub>一

共離別亦當何時共坐復相對解四出亦復二苦二愁二入亦復苦

愁邊地多悲風樹木何蕭蕭今日樂相樂延年壽千秋解五

悠悠 苦寒行 明帝詞解五

悠悠二發二洛二都二莽二我二征二東二行二征行彌二旬屯吹隴陂

城解一顧觀故二壘二處二皇二祖二之二所二營二屋室若平昔棟宇無

邪傾解二奈何我二皇二祖二潛二德二隱二聖二形二雖沒而不朽書貴

垂休名解三光光我二皇二祖二軒二耀二同二其二榮二遺化布四海八

表以肅清解四雖有吳二蜀二寇二春二秋二足二耀二兵二徒悲我皇祖

不永享百齡賦詩以寫懷伏軾淚霑纓解五

瑟調

朝日 善哉行 文帝詞解五

朝日樂相樂酣飲不知醉悲弦激新聲長笛吐清氣解一弦歌感人

腸四坐皆歡說寥寥高堂上涼風入我室解二持滿如不盈有得者

能卒君子多苦心所愁不但解三慊慊下白屋吐握不可失衆賓

飽滿歸主人苦不悉解四比翼翔雲漢羅者安所羈冲靜得自然榮

華何足為解五

上山 善哉行 文帝詞解六

上山采薇薄莫苦饑溪谷多風霜露沾衣解一野雉群雉猿猴相追

還望故鄉鬱何壘壘解二高山有嵯林木有支憂來無方人莫之知

三人生若寄多憂何為今我不樂歲月其馳解四湯湯川流中有行

舟隨波轉薄有似客游解五策我良馬被我輕裘載馳載驅聊以忘

憂解六

朝游 善哉行 文帝詞解五

朝游高臺觀夕宴華池陰大酋奉甘醪狩人獻嘉禽解一齊倡發東

舞秦箏奏西音有客從南來爲我彈清琴解二五音紛繁會拊者激  
微吟淫魚乘波聽踴躍自浮沈解三飛鳥翻翔舞悲鳴集北林樂極  
哀情來慘亮摧肝心解四清角豈不妙德薄所不任大哉子野言弭  
弦且自禁解五

古公善哉行武帝詞解七

古公亶甫積德墜仁思弘一道哲王於幽解一太伯仲雖王德之仁

行施百世斷髮文身解二伯夷叔齊古之遺賢讓國不用餓殂首山

解三智哉山甫相彼宣王何用杜伯累我聖賢解四齊桓之霸賴得仲

父後任豎刁蟲流出戶解五晏子平仲積德兼仁與世沈德未必思

命解六仲尼之世王國爲君隨制飲酒揚波使官解七

自惜善哉行武帝詞解六

自惜身薄祐夙賤懼孤苦既無三徙教不聞過庭語解一其窮如抽

裂自以思所怙雖懷一介志是時其能與解二守窮者曾賤惋歎淚

如雨泣涕於悲夫乞活安能覩解三我願於天窮琅邪傾側左雖欲

竭忠誠欣公歸其楚解四快人曰爲歎抱情不得敘顯行天教人誰

知莫不緒解五我願何時隨此歎亦難處今我將何照於光耀釋銜

不如雨解六

我祖善哉行明帝詞解八

我祖我征伐彼蠻虜練師簡卒爰正其旅解一輕舟竟川初鴻依浦

桓桓猛毅如羆如虎解二發砲若雷吐氣成雨旄旌指麾進退應矩

解三百馬齊轡御由造父休休六軍咸同斯武解四兼塗星邁亮茲行

阻行行日遠西背京許解五游弗淹旬遂屆揚土奔寇震懼莫敢當

御解六虎臣列將怫鬱免怒淮泗肅清奮揚微所解七運德耀威惟鎮

惟撫反旆言歸告入皇祖解八

赫赫

善哉行

明帝詞

解四

赫赫大魏王師徂征冒暑討亂振耀威靈解一汎舟黃河隨波潺湲

通渠回越行路綿綿解二采旄蔽日旗旒翳天淫魚澆滯遊戲深淵

解三唯塘泊從如流不為單握揚楚心惆悵歌采薇心綿綿在淮肥

願君速捷早旋歸解四

來日

善哉行

古詞

解六

來日大難口燥唇乾今日相樂皆當喜歡解一經歷名山芝艸翻翻

仙人王喬奉藥解二自惜袖短內手知寒慙無靈輒以報趙宣

解三月沒參橫北斗闌干親交在門饑不及餐解四歡日尚少戚日苦

多以何忘憂彈箏酒歌解五淮南八公要道不煩參駕六龍遊戲雲

端

解六

大曲

東門

東門行

古詞

解四

出東門不顧歸來入門悵欲悲盎中無斗儲還視桁上無縣衣解一

拔劍出門去見女牽衣啼它家但願富貴賤妾與君共解二共

舖糜上用倉浪天故下為黃口小兒今時清廉難犯教言君復自

愛莫為非解三今時清廉難犯教言君復自愛莫為非行吾去為遲

平慎行望吾歸解四

西山

折楊柳行

文帝詞

解四

西山一何高高高殊無極上有兩仙僮不飲亦不食與我一丸藥

光耀有五色解一服藥四五日身體生羽翼輕舉乘浮雲倏忽行萬

億流覽觀四海汙汙非所識解二彭祖稱七百悠悠安可原老聃適

西戎于今竟不還王喬假虛詞赤松垂空言解三達人識真偽愚夫

好妄傳追念往古事情憤千萬端百家多迂怪聖道我所觀解四

羅敷 豔歌羅敷行 古詞解

日出東南隅照我秦氏樓秦氏有好女自名為羅敷羅敷喜蠶桑  
采桑城南隅青絲為籠係桂枝為籠鉤頭上倭墮髻耳中明月珠  
細綺為下裙紫綺為上襦行者見羅敷下僮將頭須少年見羅敷  
脫帽著幘頭耕者忘其犁鋤者忘其鋤來歸相怒怨但坐觀羅敷  
一解使君從南來五馬立峙躡使君遣吏往問是誰家妹秦氏有好  
女自名為羅敷羅敷年幾何二十尚不足十五頗有餘使君謝羅  
敷寧可共載不羅敷前置詞使君一何愚使君自有婦羅敷自有  
夫二解東方千餘騎夫婿居上頭何用識夫婿白馬從驪駒青絲繫  
馬尾黃金絡馬頭腰中鹿盧劍可直千萬餘十五府小史二十朝  
大夫三十侍中郎四十專城居為人潔白皙鬢鬢頗有須盈盈公  
府步冉冉府中趨坐中數千人皆言夫婿殊三解前有豔  
詞曲後有趣

西門 西門行 古詞解

出西門步念之今日不作樂當待何時一解夫為樂為樂當及時何  
能坐愁怫鬱當復來茲二解飲醇酒炙肥牛請呼心所歡可用解愁  
憂三解人生不滿百常懷千歲憂晝短而夜長何不秉燭游四解自非  
仙人二王二子二喬二計二僉二壽二命二難二與二期二五二人二壽二非二金  
石年命安可期貪財愛惜費但為後世嗤六解一本燭游後行去之如雲  
除繁車贏馬為自推無自非以

下四十  
八字

默默 折楊柳行 古詞解

默默施行違厥罰隨事來末喜殺龍逢桀放於鳴條一解祖伊言不  
用紂頭縣白旄指鹿用為馬胡亥以喪軀二解夫差臨命絕乃云負  
子胥戎王納女樂以亡其由余璧馬禍及虢二國俱為墟三解三夫  
成市虎慈母投杼趨下和之則足接予歸輿廬四解

園桃

煌煌京洛行文帝詞  
解五

天天園桃無子空長虛美難假偏輪不行解一淮陰五行鳥得弓藏

保身全名獨有子房大憤不收衰衣無帶多言寡誠祇令事敗解二

蘇秦之說六國以亡傾側賣主車裂固當賢矣陳軫忠而有謀楚

懷不從禍卒不救解三禍夫吳起智小謀大西河何健伏尸何劣解四

嗟彼郭生古之雅人智矣燕昭可謂得臣我我仲連齊之高士北

辭千金東蹈滄海解五

白鵠

豔歌阿嘗一日飛  
鵠行

古詞解四

飛來雙白鵠乃從西北來十十五五羅列成行解一妻卒被病行不

能相隨五里一及顧六里一裴回解二吾欲銜汝去口噤不能開吾

欲負汝去毛羽何摧積解三樂哉新相知憂來生別離躊躇顧群侶

淚下不自知解四念與君離別氣結不能言各各重自愛道遠歸還

難妾當守空房閉門下重關若生當相見亡者會黃泉今日樂相

樂延年萬歲期念與下為  
趨曲前有

碣石

步出夏門行

武帝詞解四

雲行雨步超越九江之臯臨觀異同心意懷游豫不知當復何從

經過至我碣石心惆悵我東海臨行至東臨碣石以觀滄海水何淡

淡山島疏峙樹木叢生百草豐茂秋風蕭瑟洪濤湧起日月之行

若出其中星漢粲爛若出其裏幸甚至哉歌以言志觀滄海解一孟

冬十月北風裴回天氣肅清繁霜霏霏鷓雞晨鳴鴻鴈南飛蟄鳥

潛藏熊羆窟棲錢鏹停置農收積場逆旅正設以通賈商幸甚至

哉歌以詠志冬十月解二鄉土不同河朔隆寒流澌浮漂舟船行難

雖不入地曹藎深奧水竭不流水堅可蹈士隱者貧勇俠輕非心

常歎怨戚戚多悲幸甚至哉歌以詠志河朔寒解三神龜雖壽猶有

音時騰蛇乘霧終為土灰驥老伏歷志在千里烈士暮年壯心不  
已盈縮之期不但在天養怡之福可得永年幸甚至哉歌以詠志  
神龜雖壽解四

何嘗豔歌何嘗行

古詞解五

何嘗快獨無憂但當飲醇酒炙肥牛解一長兄為二千石中兄被貂

裘解二小弟雖無官爵鞍馬馭馭往來王侯長者遊解三但當在王侯

殿上快獨擣蒲六博對坐彈碁解四男兒居世各當努力蹶迫日暮

殊不久留解五少小相觸抵寒苦常相隨忿恚安足諍吾中道與卿

共別離約身奉事君禮節不可虧上慙滄浪之夫下顧黃口小兒

奈何復老心皇皇獨悲誰能知少小下為趨曲前為豔

置酒

野田黃雀行

空侯引亦用此曲

東阿王詞

解四

置酒高殿上親交從我游中廚辦豐膳烹羊宰肥牛秦箏何忼慨

齊瑟和且柔

解一

陽阿奏奇舞京洛出名謳樂飲過三爵緩帶傾庶

羞主稱千金壽賓奉萬年酬解二久要不可忘薄終義所尤謙謙君

子德馨折欲何求盛時不再來百年忽我適解三驚風飄白日光景

馳西流生存華屋處零落歸山丘先民誰不死知命復何憂解四

為樂

滿歌行

解四

為樂未幾時遭世險巖逢此百離伶丁荼毒愁懣難支遙望辰極

天曉月移憂來闐心誰當我知解一戚戚多思慮耿耿不寧禍福無

形唯念古人遜位躬耕遂我所願以茲自寧自鄙山棲守此一榮

解二莫秋削風起西蹈滄海心不能安攬衣起瞻夜北斗闌干星漢

照我去去自無它奉事二親勞心可言解三窮達天所為智者不愁

多為少憂安貧樂正道師彼莊周遺名者貴子熙同巖往者二賢

名垂千秋解四飲酒歌舞不樂何須善哉照觀日月日月馳驅軼軻

世間何有何無貪財惜費此一何愚命如鑿石見火居世竟能幾時但當歡樂自娛盡心極所熙怡安善養君德性百年保此期頤

飲酒上為趨

夏門

步出夏門行

一日隴西行

明帝詞

二解

步出夏門東登首陽山蒼哉夷叔仲尼稱賢君子退讓小人爭先  
惟斯二子于今稱傳林鐘受謝節改時遷日月不居誰得久存善  
哉殊復善弦歌樂情一解商風夕起悲彼秋蟬變形易色隨風東西  
乃眷西顧雲霧相連丹霞蔽日采虹帶天弱水潺潺落葉翩翩孤  
禽失群悲鳴其間善哉殊復善悲鳴在其間二解朝游清冷日莫  
歸朝游上為豔蹶迫日莫烏鵲南飛繞樹三匝何枝可依卒逢風雨樹折  
枝摧雄來驚雌雌獨愁棲夜失群侶悲鳴裴回芄芄荆棘葛生綿  
綿感彼風人惆悵自憐月盈則沖華不再繁古來之說詹哉一言

蹶迫下為趨

王者布大化

權歌行

明帝詞

五解

王者布大化配乾稽后祇陽育則陰殺晷景應度移一解文德以時  
振武功伐不隨重華儼干戚有苗服從媯二解蠢爾吳蜀虜馮江棲  
山阻哀哀王士民瞻仰靡依怙三解皇上悼愍斯宿昔奮天怒發我  
許昌宮列舟於長浦四解翌日乘波揚棹歌悲且涼大常拂白日旗  
幟紛設張五解將抗旄與鉞耀威於彼方伐臯以弔民清我東南疆

將抗下為趨

洛陽行

鴈門太守行

古詞

八解

季和帝在時洛陽令王君本自益州廣漢民小行宦學通五繡論  
一解明知法令歷世衣冠從温補洛陽令治行政賢攤護百姓子養  
萬民二解外行猛政內懷慈仁文武備具料民富貧移惡子姓名五

綸



篇著里端解三傷殺人比伍同臯對門禁錮矛八尺捕輕薄少年加

笞決臯詣馬市論解四無妄發賦念在理冤敕吏正獄不得苛煩財

用錢三十買繩禮竿解五賢哉賢哉我縣王君臣吏衣冠奉事皇帝

功曹主簿皆得其人解六臨部居職不敢行恩清身苦體夙夜勞勤

治有能名遠近所聞解七天年不遂蚤就奄昏為君作祠安陽亭西

欲令後世莫不稱傳解八

白頭吟

與權歌同調

古詞解五

晴如山上雲皎若雲間月聞君有兩意故來相決絕解一平生共城

中何嘗斗酒會今日斗酒會明日溝水頭蹀躞御溝上溝水東西

流解二郭東亦有樵郭西亦有樵兩樵相推與無親為誰驕解三淒淒

重淒淒嫁娶亦不啼願得一心人白頭不相離竹竿何嫋嫋魚尾

何離篴男兒欲相知何用錢刀為齒如五馬噉其川上高士嬉今

日相對樂延年萬歲期一本云詞曰上有紫羅咄咄奈何

楚調怨詩

明月

東阿王詞解七

明月照高樓流光正裴回上有愁思婦悲歎有餘哀解一借問歎者

誰自云客子妻夫行踰十載賤妾常獨棲解二念君過於渴思君劇

於饑君為高山柏妾為濁水泥解三北風行蕭蕭烈烈入吾耳心中

念故人淚墮不能止解四沈浮各異路會合當何諧願作東北風吹

我入君懷解五君懷常不開賤妾當何依恩情中道絕流止任東西

解六我欲竟此曲此曲悲且長今日樂相樂別後莫相忘解七

宋書卷二十一 志第十一 終

西川毛鳳堂氏藏

宋書卷二十二

志第十二

宋書二十二

西川毛鳳堂氏藏

樂四

漢輦舞歌五篇

關東有賢女

章和二年中

樂久長

四方皇

殿前生桂樹

魏輦舞歌五篇

明明魏皇帝

太和有聖帝

魏曆長

天生烝民

為君既不易

魏陳思王輦舞歌五篇

聖皇篇

當章和二年中

聖皇應曆數

正康帝道休

九州咸賓服

威德洞八幽

三公奏諸公

不得久淹留

蕃位任至重

舊章咸率由

侍臣省文奏

陛下體仁慈

沈吟有愛戀

不忍聽可之

迫有官典憲

不得顧恩私

諸王當就國

璽綬何纍纍

便時舍外殿

宮省寂無人

主上增顧念

皇母懷苦辛

何以為贈賜

傾府竭寶珍

文錢百億萬

采帛若煙雲

乘輿服御物

錦羅與金銀

龍旗垂九旒

羽蓋參班輪

諸王自計念

無功荷厚德

思一效筋力

糜軀以報國

鴻臚攤節衛

副使隨經營

貴戚竝出送

夾道交輜輶

車服齊整設

鞞畢耀天精

武騎衛前後

鼓吹簫笳聲

祖道魏東門

淚下霑冠纓

扳蓋因內顧

俛仰慕同生

行行將日莫

何時還闕庭

車輪為裴回

四馬躊躇鳴

路人尚酸鼻

何況骨肉情

靈芝篇

當殿前生桂樹

靈芝生玉地

朱輦被洛濱

榮華相晃耀

光采曄若神

古時有虞舜

父母頑且嚚

盡孝於田隴

烝烝不違仁

伯瑜年七十

采衣以娛親

慈母笞不痛

獻歎涕沾巾

丁蘭少失母

自傷蚤孤笄

刻木當嚴親

朝夕致三牲

暴子見陵侮

犯臯以亡形

丈人為泣血

免戾全其名

董承遭家貧 父老財無遺 舉假以供養 傭作致甘肥

貴家填門至 不知何用歸 天靈感至德 神女為秉機

亂曰

歲月不安居 烏乎我皇考 生我既已晚 棄我何期蚤

聖皇君四海 德教朝夕宣 萬國咸禮讓 百姓家肅虔

庠序不失儀 孝悌處中田 戶有曾閔子 比屋皆仁賢

髻亂無天齒 黃髮盡其年 陛下三萬歲 慈母亦復然

大魏篇 當漢吉昌 大魏應靈符 天祿方甫始 聖德致泰和 神明為驅使

左右宜供養 中殿宜皇子 陛下長壽考 群臣拜賀咸說喜

積善有餘慶 榮祿固天常 眾善填門至 臣子蒙福祥

無患及陽遂 輔翼我聖皇 眾吉咸集會 凶邪姦惡竝滅亡

黃鵠游殿前 神鼎周四阿 玉馬充乘輿 芝蓋樹九華

白虎戲西除 舍利從辟邪 騏驎躡足舞 鳳皇拊翼歌

豐年大置酒 王尊列廣庭 樂飲過三爵 朱顏暴已形

式宴不違禮 君臣歌鹿鳴 樂人舞鞀鼓 百官轟抃贊若驚

小舟西質秦 烏白馬角生 鄒羨囚燕市 繁霜爲下零

關東有賢女 自字蘇來卿 壯年報父仇 身沒壘功名

女休逢赦書 自刃幾在頸 俱上列仙籍 去死獨就生

太倉令有臯 遠徵當就拘 自悲居無男 禍至無與俱

緹縈痛父言 何儋西上書 槃桓北闕下 泣淚何漣如

乞得并姊弟 沒身贖父軀 漢文感其義 肉刑法用除

其父得以免 辨義在列圖 多男亦何爲 一女足成居

簡子南渡河 津吏廢舟舩 執法將加刑 女娟擁權前

妾父聞君來 將涉不測淵 畏懼風波起 禱祝祭名川

備禮饗神祇 爲君求福先 不勝醮祀誠 至今犯罰艱

君必欲加誅 乞使知罪誓 妾願以身代 至誠感蒼天

國君高其義 其父用赦原 河激奏中流 簡子知其賢

歸娉爲夫人 榮寵超後先 辨女解父命 何況健少年

黃初發和氣 明堂德教施 治道致太平 禮樂風俗移

刑錯民無枉 怨女復何爲 聖皇長壽考 景福常來儀

孟冬篇 當狡兔 武官誠田 講旅統兵 元龜襲吉

孟冬十月 陰氣厲清 武官誠田 講旅統兵 元龜襲吉

元光著明 蚩尤蹕路 風弭雨停 乘輿啓行 鸞鳴幽軋

虎賁采騎 飛象珥鶻 鐘鼓鏗鏘 簫管嘈喝 萬騎齊鑣

千乘等蓋 夷山填谷 平林滌藪 張羅萬里 盡其飛走

翟翟狡兔 揚白跳翰 獵以青骹 掩以修竿 韓盧宋鵠

呈才騁足 噬不盡縲 牽麋倚鹿 魏氏發機 養基撫弦

都盧尋高 搜索猴援 慶忌孟賁 蹈谷超巒 張目決眚

髮怒穿冠 頓熊扼虎 蹴豹搏貙 氣有餘勢 負象而趨

獲車既盈 日側樂終 罷役解徒 大饗離宮

亂曰

聖皇臨飛軒 論功校獵徒 死禽積如京 流血成溝渠  
明詔大勞賜 大官供有無 走馬行酒醴 驅車布肉魚  
鳴鼓舉觴爵 鐘擊位無餘 絕網縱麟麇 弛罩出鳳雛  
收功在羽校 威靈振鬼區 陛下長權樂 永世合天符

晉鞞舞歌五篇

洪業篇

鞞鼓歌當魏曲明明魏皇帝 古曲關東有賢女

宣文初洪業

盛德在泰和 聖皇應靈符 受命君四海

萬國何所樂

上有明天子 唐堯禪帝位 虞舜惟恭已

恭已正南面

道化與時移 大赦盪萌漸 文教被黃支

象天則地

體無為 聰明配日月 神聖參兩儀

雖有三凶類

靜言無所施 象天則地 體無為

稷契竝佐命

伊呂升王臣 蘭芷登朝肆 下無失宿民

聲發響自應

表立景來附 虓虎從羈制 潛龍升天路

備物立成器

變通極其數 百事以時敘 萬幾有常度

訓之以克讓

納之以忠恕 群下仰清風 海外同權慕

象天則地

化雲布 昔日貴雕飾 今尚儉與素

昔日多纖介

今去情與故 象天則地 化雲布

濟濟大朝士

夙夜綜萬機 萬機無廢理 明明降疇咨

臣譬列星景

君配朝日暉 事業竝通濟 功烈何巍巍

五帝繼三皇

三王世所歸 聖德應期運 天地不能違

仰之彌已高

猶天不可階 將復御龍氏 鳳皇在庭棲

天命篇

鞞舞歌當魏曲太和有聖帝 古曲章和二年中

創晉志 始晉志

徒

聖祖受天命	應期輔魏皇	入則綜萬機	出則征四方
朝廷無遺理	方表寧且康	道隆舜臣堯	積德踰大堯
孟度阻窮險	造亂天一隅	神兵出不意	奉命致天誅
赦善戮有罪	元惡宗為虛	威風震勁蜀	武烈懼疆吳
諸葛不知命	肆逆亂天常	擁徒十餘萬	數來寇邊疆
我皇邁神武	秉鉞鎮雍京	亮乃畏天威	未戰先仆僵
盈虛自然運	時變固多難	東征陵海表	萬里梟賊淵
受遣齊七政	曹爽又滔天	群凶受誅殛	百祿咸來臻
黃華應福始	王凌為禍先		
景皇帝	輦舞歌當魏曲	魏曆長	古曲樂久長
景皇帝	聰明命世生	盛德參天地	帝王道
創基既已難	繼世亦未易	外則夏侯玄	內則張與李

晉志道上有大字晉志作有

三凶稱逆	亂帝紀	從天行誅	窮其姦宄
遏將御其漸	潛謀不得起	罪人咸伏辜	威風震萬里
平衡綜萬機	萬機無不理	召陵桓不君	內外何紛紛
眾小便成群	蒙昧恣心	治亂不分	叡聖獨斷
濟武常以文	從天惟廢立	掃霓披浮雲	雲霓既已闕
清和未幾間	羽檄首尾至	變起東南蕃	儉欽為長蛇
外則馮吳蠻	萬國紛騷擾	威威天下懼不安	神武御六軍
我皇秉鉞征	儉欽起壽春	前鋒據項成	出其不意
竝縱奇兵	奇兵誠難御	廟勝實難支	兩軍不期遇
敵退計無施	虎騎惟武進	大戰沙陽陂	欽乃亡魂走
奔虜若雲披	天恩赦有鼻	東土放鯨鯢	
大晉篇	鼙舞歌當魏曲	天生蒸民	古曲四方皇

赫赫大晉 於穆文皇 蕩蕩巍巍 道邁陶唐

世稱三皇五帝 及今重其光 九德克明 文既顯武又章

恩弘六合 兼濟萬方 內舉元凱 朝政以綱

外簡虎臣 時惟鷹揚 靡從不懷 逆命斯亡

仁配春日 威踰秋霜 濟濟多士 同茲蘭芳

唐虞至治 四凶滔天 致討儉欽 罔不肅虔

化感海外 海外來賓 獻其聲樂 竝稱妾臣

西蜀猾夏 僭號方域 命將致討 委國稽服

吳人放命 馮海阻江 飛書告諭 響應來同

先王建萬國 九服為蕃衛 亡秦壞諸侯 序昨不二世

歷代不能復 忽踰五百歲 我皇邁聖德 應期初典制

分土五等 蕃國正封界 莘莘文武佐 千秋邁嘉會

洪業溢區內 仁風翔海外 輦鼓歌當魏曲為君既不易 古曲殿前生桂樹

明君篇 聽鑑盡物情 顧望有譴罰 竭忠身必榮

明君御四海 萬里升紫庭 茨艸穢堂階 掃截不得生

蘭茝出荒野 百官正其名 恭已慎有為 有為無不成

能否莫相蒙 群下執異端 正直罹譖潤 姦臣奪其權

闇君不自信 結舌不敢言 結舌亦何憚 盡忠為身患

雖欲盡忠誠 飛塵濁其源 歧路令人迷 未遠勝不還

清流豈不潔 正色不顧身 邪正不竝存 譬若胡與秦

忠臣立君朝 邪正各異津 忠臣遇明君 乾乾惟日新

秦胡有合時 眾星拱北辰 設令遭闇主 斥退為凡民

群目統在綱 白茅猶可珍 冰霜晝夜結 蘭桂摧為薪

雖薄共時用

從乃順之

世晉志



邪臣多端變 用心何委曲 便辟從情指 動隨君所欲

偷安樂目前 不問清與濁 積偽罔時主 養交以持祿

言行恒相違 難饜甚谿谷 昧死射乾沒 覺露則滅族

右五篇 輦舞歌行

鐸舞歌詩二篇

聖人制禮樂篇

昔皇文武邪 彌爾舍善 誰吾時吾 行許帝道

銜來治路萬邪 治路萬邪 赫赫 意黃運道吾

治路萬邪 善道明邪金邪 善道 明邪金邪帝邪

近帝武武邪邪 聖皇八音 偶邪尊來 聖皇八音

及來義邪同邪 烏及來義邪 善舞供國吾 咄等邪烏

近帝邪武邪 近帝武邪武邪 應節合用 武邪尊邪

應節合用 酒期義邪同邪 酒期義邪 善舞供國吾

咄等邪烏 近帝邪武邪 近帝武武邪邪 下音足木

上為鼓義邪 應眾義邪 樂邪邪延否 已邪烏已禮祥

咄等邪烏 素女有絕其聖烏烏武邪

雲門篇 鐸武歌行當魏太和時

黃雲門 唐咸池 虞韶武 夏殷濩 刑伐有五

振鐸鳴金 近大武 清歌發倡 刑為主 聲和八音

協律呂 身不虛動 手不徒舉 應節合度 周其敘

時奏宮商 雜之以徵羽 不饜眾目 上從鐘鼓 樂以移風

與德禮相輔 安有失其所

右二篇 鐸舞歌行

拂舞歌詩五篇

白鳩篇

翩翩白鳩 再飛再鳴 懷我君德 來集君庭 白雀呈瑞

素羽明鮮 翔庭舞翼 以應仁乾 交交鳴鳩 或丹或黃

樂我君惠 振羽來翔 東壁餘光 魚在江湖 惠而不費

敬我微軀 策我良駟 習我驅馳 與君周旋 樂道亡餘

我心虛靜 我志霑濡 彈琴鼓瑟 聊以自娛 陵雲登臺

浮游太清 扳龍附鳳 日望身輕

濟濟篇

嗚飛暢舞 氣流芳 追念三五 大綺黃 去失有

時可行 去來同時 此未央 時冉冉 近桑榆

但當飲酒 為歡娛 衰老逝 有何期 多憂耿耿

內懷思 淵池廣 魚獨希 願得黃浦 衆所依

恩感人

世無比

悲歌具舞

無極已

獨祿篇

獨祿獨祿 水深泥濁 泥濁尚可 水深殺我 雝雝雙鴈

遊戲田畔 我欲射鴈 念子孤散 翩翩浮萍 得風遙輕

我心何合 與之同井 空牀低帷 誰知無人 夜衣錦繡

誰別偽真 刀鳴箭中 倚床無施 父冤不報 欲活何為

猛虎班班 遊戲山間 虎欲嚙人 不避豪賢

碣石篇

東臨碣石 以觀滄海 水何澹澹 山島竦峙 樹木叢生

百卉豐茂 秋風蕭瑟 洪波湧起 日月之行 若出其中

星漢燦爛 若出其裏 幸甚至哉 歌以詠志 觀滄海

孟冬十月 北風裊回 天氣蕭清 繁霜霏霏 鷓鴣晨鳴

鴈過南飛 鷺鳥潛藏 熊羆窟棲 錢鏹停置 農收積場

逆旅整設 以通賈商 幸甚至哉 歌以詠志 冬十月

鄉土不同 河朔隆寒 流澌浮漂 舟舩難行 雖不入地

豐籟深奧 水竭不流 冰堅可蹈 士隱者貧 勇俠輕非

心常歎怨 戚戚多悲 幸甚至哉 歌以詠志 土不同

神龜雖壽 猶有音時 騰蛇乘霧 終為土灰 老驥伏櫪

志在千里 烈士莫年 壯心不已 盈縮之期 不但在天

養怡之福 可得永年 幸甚至哉 歌以詠志 龜雖壽

淮南王篇

淮南王 自尊言 百尺高樓與天連 後園鑿井銀作床

金瓶素綆汲寒漿 汲寒漿 飲少年 少年窈窕何能賢

揚聲悲歌音絕天 我欲度河河無梁 願化雙黃鵠 還故鄉

還故鄉 入故里 徘徊故鄉 身不已 繁舞寄聲無不泰

徘徊桑梓遊天外

右五篇拂舞行

柸槃舞歌詩一篇

晉世寧 四海平 普天安樂永大寧 四海安 天下歡

樂治興隆舞柸槃 舞柸槃 何翩翩 舉坐翻覆壽萬年

天與日 終與一 左回右轉不相失 箏笛悲 酒舞疲

心中慷慨可健兒 樽酒甘 絲竹清 願令諸君醉復醒

醉復醒 時合同 四坐歡樂皆言工 絲竹音 可不聽

亦舞此槃左右輕 自相當 合坐歡樂人命長 人命長

當結友 千秋萬歲皆老壽

右柸槃舞歌行

巾舞歌詩一篇

吾不見公莫時吾何嬰公來嬰姥時吾哺聲何爲茂時爲來嬰當  
思吾明月之上轉起吾何嬰土來嬰轉去吾哺聲何爲土轉南來  
嬰當去吾城上羊下食婢吾何嬰下來吾食婢吾哺聲汝何三年  
針縮何來嬰吾亦老吾平平門淫涕下吾何嬰何來嬰涕下吾哺  
聲昔結吾馬客來嬰吾當行吾度四州洛四海吾何嬰海何來嬰  
海何來嬰四海吾哺聲煇西馬頭香來嬰吾洛道吾河五丈度汲  
水吾噫邪哺誰當求兒母何意零邪錢健步哺誰當吾求兒母何  
吾哺聲三針一發交時還弩心意何零意弩心遙來嬰弩心哺聲  
復相頭巾意何零何邪相哺頭巾相吾來嬰頭巾母何何吾復來  
推排意何零相哺推相來嬰推非母何吾復車輪意何零子以邪  
相哺轉輪吾來嬰轉母何吾使君去時意何零子以邪使君去時  
使來嬰去時母何吾思君去時意何零子以邪思君去時思來嬰  
吾去時母何何吾吾

右公莫巾舞歌行

白紵舞歌詩三篇

高舉兩手白鵲翔

宛若龍轉乍低昂

宋世方昌樂未央

質如輕雲色如銀

四坐歡樂胡可陳

右一篇

輕軀徐起何洋洋

凝停善睐容儀光

隨世而變誠無方

如推若引留且行

舞以盡神安可忘

愛之遺誰贈佳人

袍以光軀巾拂塵

制以爲袍餘作巾

清歌徐舞降祇神

雙袂齊舉鸞鳳翔

羅裾飄颻昭儀光

趨步生姿進流芳

鳴弦清歌及三陽

人生世間如電過

樂時每少苦日多

幸及良辰曜春花 齊倡獻舞趙女歌 羲和馳景逝不停  
春露未晞嚴霜零 百草凋索花落英 蟋蟀吟牖寒蟬鳴  
百年之命忽若傾 蚤知迅速秉燭行 東道扶桑游紫庭  
西至崑崙戲曾城

右一篇

陽春白日風花香 趨步明玉舞瑤瑤 聲發金石媚笙簧  
羅袿徐轉紅袖揚 清歌流響繞鳳梁 如矜若思凝且翔  
轉盼遺精豔輝光 將流將引雙鴈翔 歡來何晚意何長

明君御世永歌倡

右一篇白紵舊新合三篇

宋泰始歌舞曲詞

皇業頌 歌自堯至楚元王 高祖世世載聖德

明帝造

皇業洽德建 帝運資勳融 胤唐重盛軌 胄楚載休風  
堯舜兆深祥 元王衍遐慶 積善傳上業 昨福啓聖聖  
衰數隨金祿 登曆昌永命 維宋承光烈 世美流舞咏

聖祖頌

聖祖惟高德 積勳代晉曆 永建享鴻基 萬古盛音冊  
叡文纘宸馭 廣運崇帝聲 衍德被仁祉 留化洽民靈  
孝建締孝業 允協天人謀 宇內齊政軌 宙表燭威流

鐘管騰列聖 彝銘賁重猷

明君大雅

虞蘇造

明君應乾數 撥亂紐積基 民慶來蘇日 國頌薰風詩  
天步或蹇難 列蕃扇迷慝 廟勝敷九代 神謨洞七德  
文教洗昏俗 武誼清稜埏 英勳冠帝則 萬壽永衍天

通國風 明帝造

開國寶 資賢昌 謨明盛 弼諧光 烈武惟略 景王勳

南康華容 變政文 猛績爰著 有左軍 三王到氏 文武贊

丞相作輔 屬伊且 沈柳宗侯 皆殄亂 泰始開運 超百王

司徒驃騎 勳德康 江安謀效 殷誠彰 劉沈承規 功名揚

慶歸我后 昨無疆

天符頌 明帝造

天符革運 世誕英皇 在館神炫 既壯龍驤 六鍾集表

四緯駢光 於穆配天 永休厥祥

明德頌 明帝造

明德孚教 幽符麗紀 山鼎見奇 醴液涵祉 鷓雛耀儀

騶虞游趾 福延億胙 慶流萬祀

帝圖頌

帝圖凝遠 瑞美昭宣 濟流月鏡 鹿毳霜鮮 甘露降和

花雪表年 孝德載衍 芳風永傳

龍躍大雅

龍躍式符 王耀蕃宮 歲淹豫 璽屬嬪中 江波澈映

石柏開文 觀毓花藥 樓疑景雲 白鳥三獲 甘液再呈

嘉穰表沃 連理協成 德充動物 道積通神 宋業允大

靈瑞方臻

淮祥風

淮祥應 賢彥生 翼贊中興 致太平

宋世大雅 虞龢造

宋世寧 在泰始 醉酒歡 飽德喜 萬國朝 上壽酒

帝同天 惟長久

治兵大雅

明帝造

王命治兵

有征無戰

巾拂以淨

醜類革面

王儀振旅

載戢在辰

中虛巾拂

四表靜塵

白紵篇大雅

明帝造

在心曰志發言詩

聲成于文被管絲

手舞足蹈欣泰時

移風易俗王化基

琴角揮韻白雲舒

簫韶協音神鳳來

拊擊和節詠在初

章曲乍畢情有餘

文同軌壹道德行

國靖民和禮樂成

四縣庭響美勳英

八列陛倡貴人聲

舞飾麗華樂容工

羅裳皎日袂隨風

金翠列輝蕙麝豐

淑姿委體允帝哀

漢鼓吹饒歌十八曲

朱鷺曲

朱鷺魚以烏路訾邪鷺何食食茄下不之食不以吐將以問誅

一作諫

者

思悲翁曲

思悲翁唐思奪我美人侵以遇悲翁也但我思蓬首

一作蕞狗逐狡兔

食交君臬子五臬母六拉脊高飛莫安宿

艾如張曲

艾而張羅夷於何行成之四時和山出黃雀亦有羅雀以高飛奈

雀何爲此倚欲誰肯磔室

上之回曲

上之回所中益夏將至行將北以承甘泉宮寒暑德游石關望諸

國月支臣匈奴服今從百官疾驅馳千秋萬歲樂無極

翁離曲

翁離曲

攤離趾中可築室何用葺之蕙用蘭攤離趾中

卷之三

戰城南死郭北野死不葬烏可食爲我謂烏且爲客豪野死諒不  
葬腐肉安能去子逃水深激激蒲葦冥冥梟騎戰鬪死驚馬裴回  
鳴梁築室何以南梁何北禾黍而穫君何食願爲忠臣安可得思  
子良臣良臣誠可思朝行出攻莫不夜歸

巫山高曲

巫山高高以大淮水深難以逝我欲東歸害梁不爲我集無高曳  
水何梁湯湯回回臨水遠望泣下霑衣遠道之人心思歸謂之何  
上陵曲

上陵何美美下津風以寒問客從何來言從水中央桂樹爲君船

青絲爲君竿木蘭爲君櫂黃金錯其間滄海之雀赤翅鴻白鴈隨  
山林乍開乍合曾不知日月明醴泉之水光澤何蔚蔚芝爲車龍  
爲馬覽遨游四海外甘露初二年芝生銅池中仙人下來飲延壽  
千萬歲

將進酒曲

將進酒乘太白辨加哉詩審搏放故歌心所作同陰氣詩悉索使  
禹良工觀者苦

君馬黃歌

君馬黃臣馬蒼三馬同逐臣馬良易之有驄蔡有赭美人歸以南  
駕車馳馬美人傷我心佳人歸以北駕車馳馬佳人安終極

芳樹曲

芳樹日月君亂如於風芳樹不上無心溫而鵠三而爲行臨蘭池



心中懷我悵心不可匡目不可顧如人之子悲殺人君有它心樂不可禁王將何以如孫如魚乎悲矣

妬修補

有所思曲

有所思乃在大海南何用問遺君雙珠瑇瑁簪用玉紹繚之聞君有它心拉雜摧燒之摧燒之當風揚其灰從今以往勿復相思相思與君絕雞鳴狗吠兄嫂當知之妃呼豨秋風蕭蕭長風颯東方須臾高知之

雉子曲

雉子班如此之于雉梁無以吾翁孺雉子知得雉子高飛止黃鵠蜚之以千里王可思雄來蜚從雌視子趨一雉雉子車大駕馬滕被王送行所中堯芊蜚從王孫行

千里三字作重字

聖人出曲

聖人出陰陽和美人出游九河佳人來駢離哉何駕六飛龍四時和君之臣明護不道美人哉宜天子免甘星筮樂甫始美人子合四海

上邪曲

上邪我欲與君相知長命無絕衰山無陵江水爲竭冬雷震震夏雨雪天地合乃敢與君絕

臨高臺曲

臨高臺以軒下有清水清且寒江有香艸日以蘭黃鵠高飛離哉翻關弓射鵠令我主壽萬年收中吾

遠如期曲

遠如期益如壽處天左側大樂萬歲與天無極雅樂陳佳哉紛單于自歸動如驚心虞心大佳萬人還來謁者引鄉殿陳累世未嘗

聞之增壽萬年亦誠哉

石留曲

石留涼陽涼石水流為沙錫以微河為香向始蘇冷將風陽北逝  
肯無敢與于楊心邪懷蘭志金安薄北方開留離蘭

魏鼓吹曲十二篇

繆襲造

漢第一曲朱鷺今第一曲初之平言魏也

初之平

義兵征

神武奮

金鼓鳴

邁武德

揚洪名

漢室微

社稷傾

皇道失

桓與靈

閹宦熾

群雄爭

邊韓起

亂金城

中國擾

無紀經

赫武皇

起旌旗

麾天下

天下平

濟九州

九州寧

勅武功

武功成

越五帝

邇三王

興禮樂

定紀綱

普日月

齊暉光

右初之平曲凡三十句句三字

漢第二曲思悲翁今第二曲戰榮陽言曹公也

戰榮陽

汴水陂

戎士憤怒

貫甲馳

陳未成

退徐榮

二萬騎

塹壘平

戎馬傷

六軍驚

勢不集

眾幾傾

白日沒

時晦冥

顧中牟

心屏營

同盟疑

計無成

賴我武皇萬國寧

右戰榮陽曲凡二十句句十八句句三字二句句四字

漢第三曲艾如張今第三曲獲呂布言曹公東圍臨淮生擒呂布

也

獲呂布

戮陳宮

芟夷鯨鯢

驅騁群雄

囊括天下

運掌中

右獲呂布曲凡六句句三句句三字三句句四字

漢第四曲上之回今第四曲克官渡言曹公與袁紹戰破之於官

渡也

克紹官渡 由白馬 僵屍流血 被原野 賊眾如犬羊  
王師尚寡 沙塹傍 風飛揚 轉戰不利 士卒傷 今日不勝  
後何望 土山地道 不可當 卒勝大捷 震冀方 屠城破邑  
神武遂章

右克官渡曲凡十八句句八句句四句一句句五字九句  
句三字

漢第五曲翁離今第五曲舊邦言曹公勝表紹於官渡還譙收藏  
士卒死亡也

舊邦蕭條 心傷悲 孤魂翩翩 當何依 游士戀故 涕如摧  
兵起事大 令願違 博求親戚 在者誰 立廟置後 魂來歸

右舊邦曲凡十二句句其六句句三字六句句四字

漢第六曲戰城南今第六曲定武功言曹公初破鄴武功之定始

乎此也

建武功 濟黃河 河水湯湯 且莫有橫流波 表氏欲衰

兄弟尋干戈 決漳水 水流滂沱 營城中如流魚

誰能復顧室家 計窮慮盡 求來連和 和不時 心中憂戚

賊眾內潰 君臣奔北 拔鄴城 奄有魏國 王業艱難

覽觀古今 可爲長歎

右定武功曲凡二十一句句其五句句三字三句句六字十  
二句句四字一句五字

漢第七曲巫山高今第七曲屠柳城言曹公越北塞歷白檀破三  
郡烏桓於柳城也

屠柳城 功誠難 越度隴塞 路漫漫 北踰岡平

但聞悲風正酸 蹋頓授首 遂登白狼山 神武懋海外

永無北顧患

右屠柳城曲凡十句句其三句句三字三句句四句三句句五字一句六字

漢第八曲上陵今第八曲平南荆言曹公南平荆州也

南荆何遠遼 江漢濁不清 菁茅久不貢 王師赫南征

劉琮據襄陽 賊備屯樊城 六軍廬新野 金鼓震天庭

劉子面縛至 武皇許其成 許與其成 撫其民

陶陶江漢間 普為大魏臣 大魏臣 向風思自新

思自新 齊功古人 在昔虞與唐 大魏得與均

多選忠義士 為喉唇 天下一定 萬世無風塵

右平南荆曲凡二十四句句其十七句句五字四句句三字

三句句四字

漢第九曲將進酒今第九曲平關中言曹公征馬超定關中也

平關中 路向潼 濟濁水 立高墉 鬪韓馬 離群凶

選驍騎 縱兩翼 虜崩潰 級萬億

右平關中曲凡十句句三字

漢第十曲有所思今第十曲應帝期言曹文帝以聖德受命應運期也

應帝期 於昭我文皇 曆數承天序 龍飛自許昌

聰明昭四表 恩德動遐方 星辰為垂耀 日月為重光

河浴吐符瑞 草木挺嘉祥 麒麟步郊野 黃龍游津梁

白虎依山林 鳳皇鳴高岡 考圖定篇籍 功配上古義皇

義皇無遺文 仁聖相因循 期運三千歲 一生聖明君

堯授舜萬國 萬國皆附親 四門為穆穆 教化常如神

大魏興盛 與之爲鄰

右應帝期曲凡二十六句其一句三字二句四字二十二句五字一句六字

漢第十一曲芳樹今第十一曲邕熙言魏氏臨其國君臣邕穆庶績咸熙也

邕熙 君臣念德 天下治 登帝道 獲瑞寶 頌聲竝作

洋洋浩浩 吉日臨高堂 置酒列名倡 歌聲一何紆餘

雜笙簧 八音諧 有紀綱 子孫永建萬國 壽考樂無央

右邕熙曲凡十五句其六句句三字三句句四字一句二字三句句五字二句句六字

漢第十二曲上邪今第十二曲太和言魏明帝繼體承統太和改元德澤流布

惟太和元年 皇帝踐阼 聖且仁 德澤爲流布

災蝗一時爲絕息 上天時雨露 五穀溢田疇

四民相率遵軌度 事務激清 天下獄訟察以情

元首明 魏家如此 那得不太平

右太和曲凡十三句其二句句三字五句句五字三句句四字三句句七字

晉鼓吹歌曲二十二篇 傳玄作

靈之祥 古朱鷺行

靈之祥言宣皇帝之佐魏猶虞舜之事堯也既有石瑞之徵又能用武以誅孟度之逆命也

靈之祥 石瑞章 旌金德 出西方 天命降 授宣皇

應期運 時龍驤 繼大舜 佐陶唐 贊武文 建帝綱

孟氏叛 據南疆 追有扈 亂五帝 吳寇勁 蜀虜彊

交誓盟 連遐荒 宣赫怒 奮鷹揚 震乾威 耀電光

陵九天 陷石城 梟逆命 拯有生 萬國安 四海寧

宣受命 古思悲翁行

宣受命言宣皇帝禦諸葛亮養威重運神兵亮震怖而死

宣受命 應天機 風雲時動 神龍飛 禦葛亮 鎮雒涼

邊境安 民夷康 務節事 勤定傾 覽英雄 保持盈

淵穆穆 赫明明 冲而泰 天之經 養威重 運神兵

亮乃震死 天下寧

征遼東 古艾而張行

征遼東言宣皇帝陵大海之表討滅公孫淵而梟其首也

征遼東 敵大據 威靈邁日域 淵既授首 群逆破膽

咸震怖 朔北響應 海表景附 武功赫赫 德雲布

宣輔政 古上之回行

宣輔政言宣皇帝聖道深遠撥亂反正網羅文武之才以定二儀

之序也

皇宣輔政 聖烈深 撥亂反正 從天心 網羅文武才

慎厥所生 所生賢 遺教施 安上治民 化風移

肇初帝基 洪業垂 於鑠明明 時赫戲 功濟萬世

定二儀 定二儀 雲澤雨施 海外風馳

時運多 古攤離行

時運多言宣皇帝致討吳方有征無戰也

時運多難 道教痛 天地變化 有盈虛 蠢爾吳蠻

虎視江湖 我皇赫斯 致天誅 有征無戰 弭其圖

天威橫被

震東隅

廓晉志

景龍飛

古戰城南行

泰爾吳電

景龍飛言景帝克明威教賞從夷逆昨隆無疆崇此洪基也

景龍飛

御天威

聰鑑玄發

動與神明協機

從之者顯

從順詳

逆之者滅夷

文教敷

武功巍

普被四海

萬邦望風

莫不來綏

聖德潛斷

先天弗違

弗違祥

享世永長

猛以致寬

道化光

赫明明

昨隆無疆

帝績惟期

昨晉志

有命既集

崇此洪基

平玉衡

古巫山高行

平玉衡言景皇帝一萬國之殊風齊四海之乖心禮賢養士而纂

洪業也

平玉衡

糾姦回

萬國殊風

四海乖

禮賢養士

羈御英雄

心齊

纂成洪業

崇皇階

品物咸亨

聖敬日躋

聰鑑盡下情

明明綜天機

文皇統百揆

古上陵行

百揆言文皇帝始統百揆用人有序以敷泰平之化也

文皇統百揆

繼天理萬方

武皇鎮四寓

英佐盈朝堂

謀言協秋蘭

清風發其芳

洪澤所漸潤

礫石為瑋璋

大道侔五帝

盛德踰三王

咸光大

上參天與地

至化無內外

無內外

六合並康乂

並康乂

邁茲嘉會

在昔羲與農

大晉德斯邁

鎮征及諸州

為蕃衛

功濟四海

洪烈流萬世

因時運

古將進酒行

因時運言文皇帝因時運變聖謀潛施解長蛇之交離群桀之黨

用

以武濟文審其大計以邁其德也

因時運 聖策施 長蛇交解 群桀離 勢窮奔吳

虎騎厲 惟武進 審大計 時邁其德 清一世

惟庸蜀 古有所思行

惟庸蜀言文皇帝既平萬乘之蜀封建萬國復五等之爵也

惟庸蜀 僭號天一隅 劉備逆帝命 禪亮承其餘

擁眾數十萬 闕隙乘我虛 驛騎進羽檄 天下不遑居

姜維屢寇邊 隴上為荒墟 文皇愍斯民 歷世受辜辜

外謨蕃屏臣 內謀眾士夫 爪牙應指授 腹心同獻良圖

良圖協成文 大興百萬軍 雷鼓震地起 猛勢陵浮雲

逋虜畏天誅 面縛造壘門 萬里同風教 逆命稱妾臣

光建五等 紀綱天人

天序 古芳樹行

天序言聖皇應曆受禪弘濟大化用人各盡其才也

天序曆應曆受禪 承靈祐 御群龍 勒螭虎 弘濟大化

英儁作輔 明明統萬機 赫赫鎮四方 咎繇稷契之疇協蘭芳

禮王臣 覆兆民 化之如天與地 誰敢愛其身

大晉承運期 古上邪行

大晉承運期言聖皇應籙受圖化象神明也

大晉承運期 德隆聖皇 時清晏 白日垂光 應籙圖陟帝位

繼天正玉衡 化行象神明 至哉道隆虞與唐 元首敷洪化

百寮股肱竝忠良 民大康 隆隆赫赫 福祚盈無疆

金靈運 古君馬行

靈運言聖皇踐阼致敬宗廟而孝道施於天下也



金靈運 天符發 聖徵見 參日月 惟我皇 體神聖

受魏禪 應天命 皇之興 靈有徵 登大麓 御萬乘

皇之輔 若虓虎 爪牙奮 莫之禦 皇之佐 贊清化

百事理 萬邦賀 神祇應 嘉瑞章 恭享祀 薦先皇

樂時奏 磬管鏘 鼓淵淵 鍾嘒嘒 奠尊俎 實玉觴

神歆響 咸說康 宴子孫 祐無疆 大孝烝烝 德教被萬方

於穆我皇 古雉子行

於穆言聖皇受命德合神明也

於穆我皇 盛德聖且明 受禪君世 光濟群生 普天率土

莫不來庭 顛顛六合內 望風仰泰清 萬國雖離 興頌聲

大化洽 地平而天成 七政齊 玉衡惟平 峨峨佐命

濟濟群英 夙夜乾乾 萬機是經 雖治興 匪荒寧

謙道光 沖不盈 天地合德 日月同榮 赫赫煌煌

耀幽冥 三光克從 於顯天垂景星 龍鳳臻 甘露宵零

肅神祇 祇上靈 萬物欣戴 自天效其成

仲春振旅 古聖人出行

仲春言大晉申文武之教田獵以時也

仲春振旅 大致民 武教於時日新 師執提 工執鼓

坐作從 節有序 盛矣允文允武 蒐田表禡 申法誓

遂圍禁 獻社祭 允矣時明國制 文武並用 禮之經

列車如戰 大教明 古今誰能去兵 大晉繼天 濟群生

夏苗田 古臨高臺行

苗田言大晉田狩從時為苗除害也

夏苗田 運將徂 軍國異容 文武殊 乃命群吏 選車徒

辯其名號 贊契書 王軍啓八門 行同上帝居 時路建大麾  
雲旗翳紫虛 百官象其事 疾則疾徐則徐 回衡旋軫  
罷陳敝車 獻禽享祠 烝烝配有虞 惟大晉 德參兩儀  
化雲敷

仲秋彌田 古遠期行

仲秋言大晉雖有文德不廢武事從時以殺伐也

仲秋彌田 金德常剛 涼風清且厲 凝露結爲霜 白虎司辰

蒼隼時鷹揚 鷹揚猶周尚父 從天以殺伐 春秋時敘

雷霆震威燿 進退由鈺鼓 致禽祀祊 羽毛之用充軍府

赫赫大晉德 芬烈陵三五 敷化以文 雖治不廢武

光宅四海 永享天之祐

從天道 古石留行

從天道言仲冬大閱用武修文大晉之德配天也

從天道 握神契 三時亦講武事 冬大閱 鳴鐻振鼓鐸

旌旗象虹霓 文制其中 武不窮武 動軍誓衆 禮成而義舉

三驅以崇仁 進止不失其序 兵卒練 將如虎 惟虓虎

氣陵青雲 解圍三面 殺不殄群 偃旌麾 班六軍

獻享烝 修典文 嘉大晉 德配天 祿報功

爵俟賢 饗燕樂 受茲百祿 嘉萬年

唐堯 古務成行 古曲亡

唐堯言聖皇陟帝位德化光四表也

唐堯咨務成 謙謙德所興 積漸終光大 履霜致堅冰

神明道自然 河海猶可疑 舜禹統百揆 元凱以次升

禪讓應天曆 睿聖世相承 我皇陟帝位 平衡正準繩

晉志然作成疑作擬

嘉萬年

虓字据晉志

示晉志

三從字俱順詳

武祐

治晉志安

軍府

從順詳

周字衍晉

志無

白

從順詳

德化四表 祥氣見其徵 興王坐俟旦 亡生恬自矜  
致遠由近始 覆蕢成山陵 披圖按先籍 有其證靈液

玄雲 古玄雲行 古曲七

玄雲言聖皇用人各盡其材也

玄雲起山嶽 祥氣萬里會 龍飛何蜿蜿 鳳翔何翾翾

昔在唐虞朝 時見青雲際 今親遊方國 流光溢天外

鶴鳴在後園 清音隨風邁 成湯隆顯命 伊摯來如飛

周文獵渭濱 遂載呂望歸 符合如影響 先天天弗違

輟耕網時綱 解褐衿天維 元功配二主 芬馨世所稀

我皇敘群才 洪烈何巍巍 桓桓征四表 濟濟理萬機

神化感無方 髦才盈帝畿 丕顯惟昧旦 日新孔所咨

茂哉聖明德 日月同光輝

伯益 古黃爵行 古曲七

伯益言赤鳥銜書有周公與今聖皇受命神雀來也

伯益佐舜禹 職掌山與川 德侔十六相 思心入無間

智理周萬物 下知衆鳥言 黃雀應清化 翔集何翩翩

和鳴棲庭樹 徘徊雲日間 夏桀爲無道 密網施山阿

酷祝振織網 當奈黃雀何 殷湯崇天德 去其三面羅

逍遙群飛來 鳴聲乃復和 朱雀作南宿 鳳皇統羽群

赤鳥銜書至 天命瑞周文 神雀今來遊 爲我受命君

嘉祥致天和 膏澤降青雲 蘭風發芳氣 闔世同其芬

鈞竿 古鈞竿行 漢鏡歌二十 三無鈞竿

鈞竿言聖皇德配堯舜又有呂望之佐以濟大功效致太平也

鈞竿何冉冉 甘餌芳且鮮 臨川運思心 微綸沈九淵

晉書

靈下晉書

山嶽晉書

鶴晉書

晉志

以晉志

闔晉志

太公寶此術 乃在靈祕篇 機變隨物移 精妙貫未然  
 遊魚驚著釣 潛龍飛戾天 戾天安所至 撫翼翔太清  
 太清一何異 兩儀出渾成 玉衡正三辰 造化賦群形  
 退願輔聖君 與神合其靈 我君弘遠略 天人不足并  
 天人初并時 昧昧何茫茫 日月有徵兆 文象興二皇  
 蚩尤亂生民 黃帝用兵征萬方 逮夏禹而德衰  
 三代不及虞與唐 我皇聖德配堯舜 受禪卽祚享天祥  
 率土蒙祐 靡不肅 庶事康 庶事康 穆穆明明 荷百祿  
 保無極 永泰平  
 吳鼓吹曲十二篇 韋昭造  
 炎精缺者言漢室衰武烈皇帝奮迅猛志念在匡救然而王迹始  
 乎此也漢曲有朱鷺此篇當之第一

炎精缺	漢道微	皇綱弛	政德違	衆姦熾	民罔依
赫武烈	越龍飛	陟天衢	耀靈威	鳴雷鼓	抗電麾
撫乾衡	鎮地機	厲虎旅	騁熊羆	發神聽	吐英奇
張角破	邊韓羈	宛潁平	南土綏	神武章	渥澤施
金聲震	仁風馳	顯高門	啓皇基	統罔極	垂將來

右炎精缺曲凡三十句句三字

漢之季者武烈皇帝悼漢之微痛卓之亂興兵奮擊功蓋海內也  
漢曲有思悲翁此篇當之第二

漢之季	董卓亂	桓桓武烈	應時運	義兵興	雲旗建
厲六師	羅八陳	飛鳴鏑	接白刃	輕騎發	介士奮
醜虜震	使衆散	劫漢主	遷西館	雄豪怒	元惡憤
赫赫皇祖	功名聞				

右漢之季曲凡二十句其十八句句三字二句句四字

攄武師者言大皇帝卒武烈之業而奮征也漢曲有艾如張此篇當之第三

攄武師 斬黃祖 肅夷凶族 革平西夏 炎炎大烈 震天下

右攄武師曲凡六句句三字三句句四字

烏林者言曹操既破荊州從流東下欲來爭鋒大皇帝命將周瑜

逆擊之於烏林而破走也漢曲有上之回此篇當之第四

曹操北伐 拔柳城 乘勝席卷 遂南征 劉氏不睦

八都震驚 眾既降 操屠荆 舟車十萬 揚風聲

議者狐疑 慮無成 賴我大皇 發聖明 虎臣雄烈

周與程 破操烏林 顯章功名

右伐烏林曲凡十八句句四字八句句三字

秋風者言大皇帝說以使民民忘其死漢曲有摧難此篇當之第五

秋風揚沙塵 寒露霑衣裳 角弓持弦急 鳩鳥化為鷹

邊陲飛羽檄 寇賊侵界疆 跨馬披介冑 忼慨懷悲傷

辭親向長路 安知存與亡 窮達固有分 志士思立功

邀之戰場 身逸獲高賞 身沒有遺封

右秋風曲凡十五句句十四句句五字一句四字

克皖城者言曹操志圖并兼而令朱光為廬江太守上親征光破

之於皖城也漢曲有戰城南此篇當之第六

克滅皖城 遏寇賊 惡此凶孽 阻姦慝 王師赫征

眾傾覆 除穢去暴 戢兵革 民得就農 邊境息

誅君弔臣 昭至德

右克皖城曲凡十二句句六句句三字六句句四字

關背德者言蜀將關羽背棄吳德心懷不軌大皇帝引師浮江而禽之也漢曲有巫山高此篇當之第七

關背德 作鴟張 割我邑城 圖不祥 稱兵北伐 圍樊襄陽

詹臂大於股 將受其殃 魏夫吳聖主 睿德與玄通

與玄通 親任呂蒙 泛舟洪汜池 滌涉長江 神武一何桓桓

聲烈正與風翔 歷撫江安城 大據郢邦 虜羽授首

百蠻咸來同 盛哉無比隆

右關背德曲凡二十一一句其八句句四字二句句六字七

句句五字四句句三字

通荆門者言大皇帝與蜀交好齊盟中有關羽自失之愆戎蠻樂亂生變作患蜀疑其眩吳惡其詐乃大治兵終復初好也漢曲有上陵此篇當之第八

荆門限巫山 高峻與雲連 蠻夷阻其險 歷世懷不賓

漢王據蜀郡 崇好結和親 申微中情疑 讒夫亂其間

大皇赫斯怒 虎臣勇氣震 蕩滌幽藪 討不恭

觀兵揚炎耀 厲鋒整封疆 整封疆 闡揚威武容

功赫戲 洪烈炳章 邈矣帝皇世 聖吳同厥風

荒裔望清化 化恢弘 煌煌大吳 延祚永未央

右通荆門曲凡二十四句句其十七句句五字四句句三字三句句四字

章洪德者言大皇帝章其大德而遠方來附也漢曲有將進酒此篇當之第九

章洪德 邁威神 感殊風 懷遠鄰 平南裔 齊海濱

越裳貢 扶南臣 珍貨充庭 所見日新

右章洪德曲凡十句其八句句三字二句句四字

從曆數者言大皇帝從籙圖之符而建大號也漢曲有有所思此篇當之第十

從曆數 於穆我皇帝 聖哲受之天 神明表奇異

建號初皇基 聰叡協神思 德澤浸及昆蟲 浩蕩越前代

三光顯精耀 陰陽稱至治 肉角步郊畛 鳳凰棲靈囿

神龜游沼池 圖讖摹文字 黃龍覲鱗 符祥日月記

覽往以察今 我皇多噲事 上欽昊天象 下副萬民意

光被彌蒼生 家戶蒙惠賚 風教肅以平 頌聲意嘉喜

大吳興隆 綽有餘裕

右從曆數曲凡二十六句其一句句三字三句句四字二

十二句句五字一句六字

承天命者言上以聖德踐位道化至德盛也漢曲有芳樹此篇當

之第十一

承天命 於昭聖德 三精承象 符靈表德 巨石立

九穗植 龍金其鱗 烏赤其色 興人歌 億夫歎息

超龍升 襲帝服 躬淳懿 體玄嘿 夙興臨朝

勞謙日昊 易簡以崇仁 放遠讒與慝 舉賢才 親近有德

均田疇 茂稼穡 審法令 定品式 考功能

明黜陟 人思自盡 惟心與力 家國治 王道直

思我帝皇 壽萬億 長保天祿 昨無極

右承天命曲凡三十四句其十九句句三字二句句五字

十三句句四字

玄化者言上修文訓武則天而行仁澤流洽天下喜樂也漢曲有

上邪此篇當之第十二

玄化象以天 陛下聖真 張皇綱 率道以安民

惠澤宜流而雲布 上下睦親 君臣酣宴樂

激發弦歌揚妙新 修文籌廟勝 須時備駕巡洛津

康哉泰 四海歡忻 越與三五鄰

右玄化曲凡十三句句五字二句句三字三句句

四字三句句七字

今鼓吹鏡歌詞樂人以音聲辨傳訛不可復解

大竭夜烏自云何來堂吾來聲烏奚姑悟姑尊盧聖子黃尊來  
清嬰烏白日為隨來郭吾微令吾應龍夜烏由道何來直子為烏  
奚如悟姑尊盧雞子聽烏虎行為來明吾微令吾

詩則夜烏道祿何來黑洛道烏奚悟如尊爾尊盧起黃華烏伯遼

為國日忠雨令吾

伯遼夜烏若國何來日忠雨烏奚如悟姑尊盧面道康尊錄龍永姑

烏赫赫福昨夜音微令吾

右四解上邪曲

幾令吾幾令諸韓亂法正令吾

幾令吾諸韓從聽心令吾若里洛何來韓微令吾尊盧忌盧文盧

子路子路為路雞如文盧炯烏諸昨微令吾

幾令諸韓或公隨令吾

幾令吾幾諸或言隨令吾黑洛何來諸韓微令吾尊盧安成隨來

免路路子為吾路奚如文盧炯烏諸昨微令吾

右九解晚芝田漢曲有遠期疑是

幾令吾呼曆舍居執來隨咄武子邪令烏銜針相風其右其右



幾令吾呼群議破胡執來隨吾咄武子邪令烏令烏今臚入海相今風及後

幾令吾呼無公赫吾執來隨吾咄武子邪令烏無公赫吾媿立諸布始布

右三解艾張曲

鼓吹鏡歌十五篇 何承天義熙中私造

朱路篇

朱路揚和鸞 翠蓋耀金華 玄牡飾焚纓 流旌拂飛霞

雄戟闢曠塗 班劔翼高車 三軍且莫喧 聽我奏鏡歌

清鞞驚短簫 朗鼓節鳴笳 人心惟愷豫 茲音亮且和

輕風起紅塵 淳瀾發微波 逸韻騰天路 積響結城阿

仁聲被八表 威震振九遐 蒼蒼介胄士 勗哉念皇家

思悲公篇

思悲公 懷袞衣 東國何悲 公西歸 公西歸 流二叔

幼主既悟 偃禾復 偃禾復 聖志申 營都新邑 從斯民

從斯民 德惟明 制禮作樂 興頌聲 興頌聲 致嘉祥

鳴鳳爰集 萬國康 萬國康 猶弗已 握髮吐餐 下群士

惟我君 繼伊周 親覩盛世 復何求

離離篇

離士多離心 荆民懷怨情 二凶不量德 構難稱其兵

王人銜朝命 正辭糾不庭 上宰宣九伐 萬里舉長旌

樓船掩江濱 駟介飛重英 歸德戒後夫 賈勇尚先鳴

逆徒既不濟 愚智亦相傾 霜鋒未及滌 鳴郢忽已清

西川無潛鱗 北渚有奔鯨 凌威致天府 一戰夷三城

江漢被美化 宇宙歌太平 惟我東郡民 曾是深推誠

戰城南篇

戰城南 衡黃塵 丹旌電延 鼓雷震 勅敵猛 戎馬殷  
橫陳亘野 若屯雲 仗大從 應三靈 義之所感 士忘生  
長劔擊 繁弱鳴 飛鏑炫晃 亂奔星 虎騎躍 華旄旋  
朱火延起 騰飛烟 驍雄斬 高旗舉 長角浮叫 響清天  
夷群寇 殪逆徒 餘黎霑惠 詠來蘇 奏愷樂 歸皇都  
班爵獻俘 邦國娛

巫山高篇

巫山高 三峽峻 青壁千尋 深谷萬仞 崇巖冠靈  
林冥冥 山禽夜響 晨猿相和鳴 洪波迅復 載逝載停  
悽悽商旅之客 懷苦情 在昔陽九 皇綱微 李氏竊命  
宣武耀靈威 蠢爾逆縱 復踐亂機 王旅薄伐

傳首來至京師 古之為國 惟德是貴 力戰而虛民

鮮不顛墜 矧乃叛戾 伊胡能遂 咨爾巴子 無放肆

上陵者篇

上陵者 相追攀 被服纖麗 振綺紈 攜童幼 升崇巒

南望城闕 鬱繁桓 王公第 通衢端 高薨華屋 列朱軒

臨濬谷 掇秋蘭 士女悠奕 映隰原 指營丘 感牛山

夾鳩旣沒 景君歎 蒼歲聿 游不還 志氣衰沮 玄鬢班

野莽宿 墳土乾 顧此纍纍 中心酸 生必死 亦何怨

取樂今日 展情懽

將進酒篇

將進酒 慶三朝 備繁禮 薦嘉肴 榮枯換 霜霧交  
緩春帶 命朋僚 車等旗 馬齊鑣 懷溫克 樂林濠

士失志 愠情勞 思旨酒 寄遊遨 敗德人 甘醇醪  
耽長夜 或淫妖 興屢舞 厲哇謠 形傴僂 聲號呶  
首旣濡 志亦荒 性命天 國家亡 詹後生 節酣觴  
匪酒辜 孰爲殃

君馬篇

君馬麗且閑 揚鑣騰逸姿 駿足躡流景 高步追輕飛  
冉冉六轡柔 奕奕金華暉 輕霄翼羽蓋 長風靡淑旂  
願爲范氏驅 雖容步中畿 豈效詭遇子 馳騁趣危機  
鉛陵策良駟 造父爲之悲 不怨吳坂峻 但恨伯樂稀  
赦彼岐山盜 實躋韓原師 奈何漢魏主 縱情營所私  
疲民甘藜藿 廩馬患盈肥 人畜賀厥養 蒼生將焉歸  
芳樹篇

芳樹生北庭 豐隆正裴徊 翠穎陵冬秀 紅葩迎春開  
佳人閑幽室 惠心婉以諧 蘭房掩綺幌 綠簾被長階  
日夕遊雲際 歸禽命同棲 皓月盈素景 涼風拂中閨  
哀弦理虛堂 要妙清且悽 嘯歌流激楚 傷此碩人懷  
梁塵集丹帷 微颿揚羅袿 豈怨嘉時莫 徒惜良願乖

有所思篇

有所思 思昔人 曾閱二子 善養親 和顏色 奉晨昏  
至誠烝烝 通明神 鄒孟軻 爲齊卿 稱身受祿 不貪榮  
道不用 獨攤楹 三徙旣諄 禮義明 飛鳥集 猛獸附  
功成事畢 乃愛娶 哀我生 遭凶旻 幼罹荼毒 備艱辛  
慈顏絕 見無因 長懷永思 託丘墳

雉子游原澤篇

雉子游原澤 幼懷耿介心 飲啄雖勤苦 不願棲園林  
古有避世士 抗志清霄岑 浩然寄卜肆 揮權通川陰  
消搖風塵外 散髮撫鳴琴 卿相非所聘 何況於千金  
功名豈不美 寵辱亦相尋 冰炭結六府 憂虞纏胸襟  
當世須大度 量已不克任 三復泉流誠 自驚良已深

上邪篇

上邪下難正 衆枉不可矯 音和響必清 端影緣直表  
大化揚仁風 齊人猶偃仰 聖王既已沒 誰能弘至道  
開春湛柔露 代終肅嚴霜 承平貴孔孟 政敝侯申商  
孝公明賞罰 六世猶克昌 李斯肆濫刑 秦氏所以亡  
漢宣隆中興 魏祖寧三方 譬彼針與石 效疾故稱良  
行葦非不厚 悠悠何詎央 琴瑟時永調 改弦當更張

矧乃治天下 此要安可忘

臨高臺篇

臨高臺 望天衢 飄然輕舉 陵太虛 構列子 超帝鄉  
雲衣雨帶 乘風翔 肅龍駕 會瑤臺 清暉浮景 溢蓬萊  
濟西海 濯洧盤 佇立雲岳 結幽蘭 馳迅風 遊炎州  
願言桑梓 思舊遊 傾霄蓋 靡電旌 降彼天塗 頽窈冥  
辭仙族 歸人群 懷忠抱義 奉明君 任窮達 隨所遭  
何爲遠想 令心勞

遠期篇

遠期千里客 肅駕候良辰 近命城郭友 具爾惟懿親  
高門啓雙闈 長筵列嘉賓 中唐舞六佾 三廂羅樂人  
簫管激悲音 羽毛揚華文 金石響高宇 絃歌動梁塵

修標多巧捷 允劔亦入神 遷善自雅調 成化由清均  
主人垂隆慶 群士樂亡身 願言聖明君 邇期保萬春

石流篇

石上流水 湔湔其波 發源幽岫 永歸長河 瞻彼逝者  
歲月其偕 子在川上 惟以增懷 嗟我殷憂 載勞寤寐  
邁此百罹 有志不遂 行年倏忽 長勤是嬰 永言沒世  
悼茲無成 幸遇開泰 沐浴嘉運 緩帶安寢 亦又何慍  
古之爲仁 自求諸已 虛情遙慕 終於徒已

聖人制禮樂一篇巾舞歌一篇按景禔廣樂記言字訛謬聲辭  
雜書宋鼓吹鏡歌辭四篇舊史言話不可解漢鼓吹鏡歌十八  
篇按古今樂錄皆聲辭艷相雜不可復分

宋書卷三十二 志第十二

西川屯鳳  
氏蘭印甫

